



通鑑肇要

四

晉紀
南北朝
隋紀

リ 8
210
4



通鑑要卷八 正編

張景星二銘

雲間

姚培謙平山

同錄

同學朱椿性齋參閱

晉紀

姓司馬氏魏將懿後始都河南洛陽縣後遷陝西長安縣凡四君得年五十有二

世祖武皇帝

諱炎字安世父昭仕魏襲封晉王在位二十五年

乙酉

晉泰始元年吳甘露元年是歲魏亡秋八月魏晉王昭卒子炎嗣。○冬


吳遷都武昌

今隸湖廣

十二月晉王炎稱皇帝廢魏主為陳留王

追尊懿為宣帝師為景帝昭為文帝魏主奐至惠帝太安元年卒

210
4



丙戌

晉泰始二年冬十二月吳還都建業。

吳主居武昌揚州民沂流供給甚苦左丞相陸凱上疏曰武昌土地險瘠非王者之都且童謠云寧飲建業水不食武昌魚寧還建業死不止武昌居此足明民心與天意矣乃還都建業

丁亥

晉泰始三年春正月晉徵捷為李密不至。

晉主徵密密以祖母老上表固辭許之密與人交每公議其得失而切責之常言吾獨立於世顧影無儔然而不懼者以無彼此於人故也

戊子

晉泰始四年春正月晉詔立考課法不果行。

河南尹杜預奏古者黜陟擬議於心不泥於法末世疑心而信耳目疑耳目而信簡書簡書愈繁官方愈偽魏氏考課即京房之遺意然失於苛細豈若去密就簡委任達官各考所統歲第其人言其優劣如此六載主者總集採案其言六優者超擢六劣者廢免優多劣少者平叙劣多優少者左遷其有優劣徇情不協公論者監

司彈之事竟不行

夏四月晉太保王祥卒。

祥繼母朱氏姑祥孝事愈恭母嗜魚鮮會冰凍祥解衣將剖冰求之冰忽自解雙鯉躍出母又思黃雀炙復有雀數十飛入其幕取以奉母

己丑

晉泰始五年春二月晉以羊祜都督荊州軍事。

晉有滅吳之志使祜都督荊州鎮襄陽祜與吳人開布大信降者欲去皆聽之滅成羅之卒以墾田八百餘頃其始至也軍無百日之糧及季年乃有十年之積祜在軍常輕裘緩帶身不被甲鈴閣之下侍衛不過十數人○都督問內置鈴架以防不虞

庚寅

晉泰始六年夏四月吳以陸抗都督諸軍治樂鄉。

壬辰

晉泰始八年夏晉以王濬為益州刺史。

晉主與羊祜陰謀伐吳使睿治水軍大作舟艦木植蔽江而下吳建平太守吾彥取以白吳主曰晉必有攻吳之計宜增建平兵以塞其衝吳主不從彥乃為鐵鎖橫斷江路○梳削木片也

秋九月吳步闡據西陵叛降晉

冬十一月吳陸抗拔西陵誅步闡晉羊祜等救之不及

祜務修德以懷吳人與抗對境使命常通抗遺祜酒祜飲之不疑抗疾求藥於祜祜與之成藥抗即服之人多諫抗抗曰豈有配人羊叔子哉祜從甥王衍嘗詣陳事辭甚清辯祜不然之行拂衣去祜顧謂賓客曰夷甫方當盛名處大位然敗俗傷化必此人也及攻江陵祜以軍法將斬王戎行戎之從弟也故皆憾之時人為之語曰二王當國羊公無德○叔子○
祜字夷甫衍字成藥合成熟藥

吳殺其大司農樓玄

初丞相萬或請選忠清之士以補近職吳主以玄為官下鎮主殿中事玄正身帥眾奉法而行應對切直吳主

不悅中書令賀邵諫曰臣聞興國之君樂聞其過荒亂之主樂聞其譽陛下嚴刑法以禁直辭黜善士以逆諫只非所以保洪緒也吳主恨之於是左右誣玄與邵謗訕政事俱被誅○宮下鎮官名○邵者稱

癸巳晉泰始九年夏四月吳主殺其侍中韋昭

吳人數言瑞應吳主以問昭昭曰此家人筐篋中物耳吳主又欲為父和作紀昭執以和不登帝位宜名為傳吳主每饗宴無能否率以七升為限酒後使侍臣難折公卿以嘲弄侵克發摘私短為歡昭但示難問經義言論而已吳主以為不承用詔命意不忠盡遂積前後嫌忿誅昭○昭史避晉諱改名曜

甲午晉泰始十年秋七月晉以山濤為吏部尚書

濤典選十餘年甄拔人物各為題目而奏之時稱山公啓事

晉以嵇紹為祕書丞

紹康之子也以父得罪屏居私門至是山濤薦徵之紹欲辭不就濤謂之曰為君思之久矣天地四時猶有消

息况於人乎紹乃應命初東關之敗文帝問察屬曰近日之事誰任其咎安東司馬王儀對曰責在元帥文帝怒曰司馬欲委罪於孤耶斬之儀子哀痛父非命隱居教授三徵七辟皆不就廬於墓側且夕攀柏悲號涕淚著樹樹為之枯讀詩至哀哀父母生我劬勞未嘗不三復流涕門人為之廢蓼莪之篇不仕而終○漢後主十六年吳諸葛恪敗魏師於東關是時司馬昭為將即文帝也

吳大司馬荊州牧陸抗卒

抗卒吳主使其子晏景玄機雲分將其兵機雲皆善屬文名重於世初周魴之子處膂力絕人不脩細行鄉里患之處嘗問父老曰今時和年豐而人不樂何邪父老歎曰三害不除何樂之有處曰何謂也曰南山白額虎長橋蛟并子為三矣處乃射虎殺蛟遂從機雲受學篤志讀書砥節礪行比及期年州府交辟

丙申

晉咸寧二年冬十月晉加羊祜征南大將軍

祜請伐吳議者多不同祜歎曰天下不如意恒十居七八天與不取豈非更事者恨於後時哉○更事者謂老

成人時可為而不為則老成人以後時為恨

戊戌

晉咸寧四年夏六月晉羊祜入朝

臺閣主風卒益曰

祜面陳伐吳之計又謂張華曰吳人虐政已甚可不戰而尅若皓沒吳人更立令主雖百萬之眾長江未得而越也晉主欲使祜臥護諸將祜曰取吳不必須臣行但既平之後當勞聖慮耳

冬十月晉以衛瓘為尚書令

太子昏愚不堪為嗣瓘欲啓而不敢會侍宴凌雲臺瓘陽醉跪晉主牀前欲言而止者三因以手撫牀曰此座可惜晉主意悟因謬曰公真大醉邪遂悉召東宮官宴而密封尚書疑事令太子決之賈妃大懼倩外人代對多引古義給使張泓曰便與我好答富貴與汝共之泓即具意對妃喜謂泓曰太子不學陛下所知不如直以草令太子自寫晉主省之甚悅先以示瓘瓘大踖踏賈充密遣人語妃云衛瓘老奴幾破汝家

十一月晉詔母得獻奇技異服

太醫司馬程據獻雉頭裘，晉主焚之，因有是詔。○雉頭裘以雉頭毛織為裘。

晉以杜預為鎮南大將軍，都督荊州諸軍事。鉅平侯羊祜卒。

預在尚書七年，損益庶政，不可勝數。時人謂之杜武庫，言其無所不有也。祜疾篤，舉預自代。祜卒，晉主哭之甚哀。南州民為之罷市巷哭。吳守邊將士亦為之泣。祜好遊岷山，襄陽人建碑立廟於其地。歲時祭祀，望其碑者，無不流淚。因謂之墮淚碑。祜歷事二世，職典樞要，凡謀議皆焚其草，世莫得聞。所進達之人，皆不知所繇。常曰：拜官公朝，謝恩私門，吾所不取也。

晉清泉侯傅玄卒。

玄性峻急，為司隸，每有奏劾，或值日暮，捧白簡，整簪帶，踈踊不寐，坐而待旦。繇是貴游震懾。臺閣生風，卒諡曰剛。○踈踊者，踈體企望之意。

己亥，晉咸寧五年，春正月，晉以匈奴劉淵為左部帥。五胡亂華

之禍始此。

初，南匈奴自謂其先本漢室之甥，因冒姓劉氏。魏太祖畱單于呼厨泉於鄴，分其眾為五部，居并州境內。左賢王豹為左部帥，部族最强。淵豹之子也，幼而雋異，博習經史，嘗謂同門生曰：吾嘗耻隨陸無武，絳灌無文，於是兼學武事。及長，猿臂善射，膂力過人，為侍子在洛陽。王渾薦於晉主，曰：淵有文武長才，陛下任以東南之事，吳不足平也。孔恂、楊珧曰：非我族類，其心必異。齊王攸亦言於晉主，曰：陛下不除淵，臣恐并州不得久安。渾曰：大晉方以信懷殊俗，奈何以無形之疑殺侍子乎？晉主然之。會豹卒，以淵代為左部帥。○隨陸謂隨何、陸賈、絳灌，謂周勃、灌嬰、攸、晉主之弟。

冬十一月，晉大舉兵分道伐吳。

王濬、杜預啓請伐吳。時晉主方與張華圍碁，預表適至，華推枰歛手曰：吳主遙處，誅殺賢能，當今討之，可不勞。

而定晉主乃許之山濤退曰自非聖人外寧必有外憂今釋吳以為外懼豈非算乎

庚子太康元年春二月諸軍竝進吳丞相張悌迎戰死之三月龍驤將軍王濬以舟師入石頭吳主皓出降

王濬出橫江所向皆克吳人於江磧要害處竝以鐵鎖橫截之又作鐵錐長丈餘暗置江中逆拒舟艦濬作大筏數十令善水者以筏先行遇鐵錐輒著筏而去又作大炬灌以麻油遇鎖燃炬燒之須臾融液斷絕於是船無所礙遂克西陵荆門夷道杜預遣牙門周旨等帥騎夜渡江襲樂鄉吳都督孫歆懼曰北來諸軍乃飛渡江也旨等伏兵虜之預進克江陵州郡皆望風送印綬預遂分兵益濬等合攻武昌降之預與眾軍會議或曰方春水生難於久駐宜俟來冬更為大舉預曰今兵威已振譬如破竹數節之後皆迎刃而解也遂指授羣帥方略徑造建業吳主使悌督兵迎戰大敗悌為晉兵所殺初詔濬下建平受預節度至建業受渾節度濬至西陵預與濬書曰足下既摧其西藩便當徑取建業濬大悅自武昌順流而下吳主分遣使者奉書渾濬請降濬

舟師過三山渾遣人要與論事濬舉帆直指建業報曰風利不得泊也鼓譟入石頭吳主面縛輿櫬詣軍門降○水濱有石曰磧筏礙音害也編竹為之火把曰炬

夏四月賜孫皓爵歸命侯遣使行荆揚除吳苛政皓至太康四年卒

皓至帝臨軒引見謂曰朕設此座以待卿久矣皓曰臣於南方亦設此座以待陛下賈充謂皓曰聞君鑿人目剝入面皮此何等刑也皓曰人臣有弑其君及姦回不忠者則加此刑耳充默然甚愧

封拜平吳功臣

王渾王濬爭功益州護軍范通謂濬曰卿功則美矣然恨所以居美者未盡善也卿旋師之日角巾私第口不言平吳之事若有問者輒曰聖主之德羣帥之功老夫何力之有此藺生所以屈廉頗也渾能無愧乎濬曰是吾福者幾也

冬十月詔罷州郡兵。

僕射山濤言不宜去州郡武備帝不聽及永寧以後盜賊羣起州郡不能制天下遂大亂其後刺史復兼兵民之政州鎮愈重矣。

辛丑二年春三月選吳伎妾五千人入宮。

帝既平吳頗事游宴掖庭殆將萬人常乘羊車恣其所之至便宴寢宮人競將竹葉挿戶鹽汁灑地以引帝車后父楊駿及弟珧濟用望不賈或謂曰聞昔人曰事勢傾內外時謂三楊

冬十月鮮卑慕容涉歸寇昌黎。

漢魏以來羌胡鮮卑降者多處之塞內諸郡其後漸為民患侍御史郭欽請徙胡於邊地峻四夷出入之防明先王荒服之制不聽。

壬寅三年春正月朔帝親祠南郊春正月

禮畢帝問司隸校尉劉毅曰朕可方漢何帝對曰桓靈入私門以此言之殆不如也帝大笑曰桓靈不聞此言今朕有直臣固為勝之

己酉十年冬十一月封子孫六人為王。

立皇子入為長沙王穎成都王晏吳王熾豫章王演代王孫適廣陵王初帝以才人謝玖賜太子生適官中嘗夜失火帝登樓望之適年五歲牽帝裾入閣中曰暮夜倉猝宜備非常不可令照見人主帝奇之知太子不才然恃通明慧故又奇階無廢立之心

孝惠皇帝 諱衷字正度武帝第

庚戌十一年 孝惠皇帝 夏四月帝崩太子衷即位。

五月以舅楊駿為太傅大都督假黃鉞錄朝政。

駿為政嚴碎復諫愼違允當也自用不允眾心

辛亥元康元年春三月皇后賈氏殺太傅楊駿廢皇太后楊氏為庶人

賈后凶悍多權略每欲干預政事而為駿所抑后使黃門董猛與中郎孟觀李肇謀誅駿廢太后觀肇啓帝作詔誣駿謀反殺之宣言太后同○肇等調反廢為庶人尋弒之於金墉城

徵汝南王亮為太宰與太保衛瓘錄尚書事亮宣帝第四子

賈后從舅右衛將軍郭彰女弟之子賈謐與楚王瑋並預政謐雖驕奢而喜延士大夫彰與石崇陸機弟雲潘岳左思劉琨等皆附於謐號二十四友崇與岳尤諂每候謐及廣成君郭槐出皆降車路左望塵而拜○謐賈后女弟夫韓壽之子后母無嗣表請為嗣故姓賈瑋武帝第五子郭槐賈充妻姓名

夏六月皇后殺太宰亮太保瓘及楚王瑋

亮瓘以瑋剛復好殺謀遣之國瑋長史公孫宏舍人岐盛勸瑋自昵於賈后后畱瑋領太子少傅盛素善於揚

駿瓘惡其反覆將收之盛乃因將軍李肇矯稱瑋命諧亮瓘於賈后云將謀廢立后素怨瓘且患二公秉政已不得專恣使帝作手詔賜瑋曰太宰太保欲為伊霍之事王宜宜詔屯諸宮門免亮瓘官夜使黃門齎以授瑋瑋亦欲因此復私怨復矯詔遣宏肇以兵圍亮府清河王遐收瓘亮為肇所執歎曰我之赤心可破示天下也與世子矩俱死瓘亦被殺張華使董猛說賈后曰楚王既誅三公則威權盡歸之矣人主何以自安宜以專殺之罪誅之乃遣殿中將軍齎齎虞幡麾眾曰楚王矯詔勿聽也眾皆釋仗遂執瑋斬之宏盛夷三族○遐武帝十三子駙虞幡繪繡駙珉近親也虞於幡上即白虎幡

以賈模張華裴頠為侍中竝管機要

華盡忠帝室彌縫補闕雖遇闇主虐后與模頠同心匡輔故數年海內晏然

丙辰六年秋八月秦雍氏羗齊萬年反冬十一月遣將軍周處等擊之

處為御史中丞彈劾不避權戚梁王彤嘗違法處按劾之至是秦雍氏羗悉反其帥齊萬年圍涇陽詔以處為建威將軍隸安西將軍復侯駿以討之中書令陳準奏處忠直勇果有仇無援宜詔孟觀以精兵萬人為處前鋒必能殄寇朝廷不從萬年有眾七萬彤駿使處以五千兵擊之自旦戰至暮斬獲甚眾弦絕矢盡救兵不至左右勸處退處按劍曰是吾效節致命之日也遂力戰而死

丁巳七年秋九月以王戎為司徒

戎為三公與時浮沉無所匡救性復貪吝園田徧天下每自執牙籌晝夜會計常若不足家有好李賣之恐人得種鑽其核凡所賞拔專事虛名阮咸之子瞻見戎戎問曰聖人貴名教老莊明自然其旨同異瞻曰將無同戎咨嗟良久遂辟之時人謂之三語掾時王衍樂廣皆善清談衍神情明秀少時山濤見之嗟歎曰何物老嫗生寧馨兒然快天下蒼生者未必非此人也廣性冲約清遠與物無競論人必先稱其所長則所短不言自見衍弟澄及阮咸咸從子修胡毋輔之謝鯤王尼畢卓皆以任放為達卓嘗為吏部郎比舍郎釀熟卓夜至甕間

戊午八年秋九月遣將軍孟觀討齊萬年獲之

太子洗馬江統以為戎狄亂華宜早絕其原作徙戎論以警朝廷朝廷不能用

己未九年秋八月侍中賈模卒以裴頠為尚書僕射

賈后淫虐日甚頠且夕說其從母廣成君令戒諭后以親厚太子模亦數為后言禍福后反以模為毀已而疎之模憂憤而卒頠雖后親屬然雅望素隆詔專任門下事頠上表固辭或謂曰君可以言當盡言於中宮言而不能從當遠引而去儻二者不立雖有十表難以免矣頠鳴者為官乎為私乎時天下荒饑百姓餓死帝聞之曰何不食肉糜由是權在臣下政出多門勢位之家更相

薦託有如互市賈郭恣橫貨賂公行南陽魯褒作錢神論以譏之顧薦平陽韋忠於張華華辟之忠不起人問其故忠曰張茂先華而不實裴逸民然而無厭棄典禮而附賊后常恐其弱於深淵而餘波及我况可褰裳而就之哉關內侯索靖知天下將亂指洛陽宮門銅駝歎曰會見汝在荆棘中耳○賈指賈后郭指后母廣成君槐茂先華字逸民顧字銅駝言

庚申永康元年春三月皇后殺故太子適

賈后謀害太子詐稱帝不豫召太子入朝既至置於別室遣婢陳舞以帝命賜酒三升逼使盡飲之遂大醉后使黃門侍郎潘岳作書草稱詔使書之文曰陛下宜自了不自了吾當入了之中宮又宜速自了不自了吾當手了之并與謝妃共要刻期而發掃除患害太子醉迷遂依而寫之字半不成后補成之以呈帝帝召公卿入以太子書示之曰適書如此合賜死諸王公莫敢有言者張華曰此國之大禍自古常因廢黜正嫡以致喪亂願陛下詳之裴頠以為宜先檢校傳書者又請比校太子手書恐有詐妄議至日西不決后懼事變乃表免太

子為庶人幽於許昌眾情憤怒衛督司馬雅嘗給事東宮與殿中郎上猗等謀廢賈后復太子以趙王倫執兵之要乃說倫嬖人孫秀言於倫倫然之將發秀又謂倫曰明公素黨於賈后今難建大功太子謂公特逼於百姓之望以免罪累耳必不深德明公不若遷延緩期賈后必害太子然後廢后為太子報讎豈徒免禍更可以得志倫然之秀因使人行反間言殿中人欲廢皇后迎太子后使太醫令程據和毒藥遣黃門孫慮至許昌逼太子殺之○倫宣帝第九子

夏四月趙王倫廢皇后賈氏為庶人殺之遂殺司空張華僕射裴頠自為相國追復故太子位號

倫率兵入宮廢后收斬賈謐等初倫求錄尚書事華頠固執不可至是倫與孫秀謀篡位欲先除朝望且報宿怨乃執華頠等殺之矯詔齎金屑酒賜后死

秋八月淮南王允討趙王倫不克而死允武帝子

趙王倫殺黃門郎潘岳衛尉石崇等。

初孫秀嘗為小吏，岳屢撻之，崇甥歐陽建素與倫有隙，崇有妓綠珠，秀求之，不許，秀怒，乃勸倫誅崇。建亦潛知其計，與岳陰勸淮南王允齊王冏，以圖倫。秀、綠珠遂矯詔收崇及岳、建等，崇正宴於樓上，介士到門，綠珠自投於樓下而死。崇歎曰：「奴輩利吾家財，收者曰：『知財致害，何不早散之？』崇不能答。初，岳母嘗誚責岳曰：『汝當知足，而乾沒不已乎？』及敗，岳謝母曰：『負阿母，遂皆族誅。崇與貴戚王愷、羊琇之徒，以奢靡相尚，愷以給澳，金崇以蠟代薪，愷作紫綵布步障四十里，崇作錦步障五十里，以敵之。崇塗屋以椒，愷用赤石脂，武帝助愷以珊瑚，樹高二尺許，崇以鐵如意擊碎，愷惋惜，崇曰：『不足恨，今還卿命。』左右取珊瑚樹高三四尺者六七株，愷怏然自失。○乾音干，乾沒，謂無潤及之，而取他人也。」

冬十一月立皇后羊氏。秀黨尚書郎玄之之女。

辛酉 永寧元年春正月以張軌為涼州刺史趙王倫自稱皇

帝遷帝於金墉城。

倫以孫秀為侍中中書監其餘黨與皆為卿相奴卒亦加爵位每朝會貂蟬盈坐時人為之諺曰貂不足狗尾續○貂蟬侍中中常侍冠也。

三月齊王冏及成都王穎河間王顥等舉兵討倫夏四月

穎擊敗倫兵帥師濟河左衛將軍王輿等迎帝復位倫伏

誅。

冏文帝孫獻王攸子穎武帝子顥宣同音係帝弟安平獻王孚孫太平烈王瓌子。

六月以齊王冏為大司馬輔政成都王穎為大將軍河間

王顥為太尉各還鎮。

冬十月李特據廣漢進攻成都。

通鑑纂要

晉惠帝

晉惠帝

三

羅尚擊特斬之李流代領其眾流死眾推李雄為益州牧

壬戌太安元年夏五月立清河王覃為皇太子

齊王問欲久專政以帝子孫俱盡大將軍頴有次立之勢覃武帝孫也方八歲乃上表請立為皇太子

冬十二月河間王頡使長沙王又殺齊王問

問驕奢擅權中外失望孫惠上書曰大名不可久荷大功不可久任大權不可久執大威不可久居問不能用惠辭疾去東曹掾張翰主簿顧榮皆慮及禍翰因秋風起思吳中菰菜蓴羹鱸魚膾曰人生貴適志何能羈宦數千里以要名爵乎遂歸翰任心自適或謂曰卿乃縱適一時獨不為身後名邪答曰使吾有身後名不如即時一杯酒○又武帝子

癸亥二年秋八月河間王頡成都王穎舉兵反

冬十月長沙王又奉帝及穎兵戰大破之

頡以張方為都督穎以陸機為前鋒都督帝如十三里橋又使皇甫商拒方方襲取之遂入京大掠死者萬計又奉帝與機戰於建春門機軍大敗官人孟玖潛於穎曰機有異志牽秀等共證之穎怒使秀密收機秀兵至機釋戎服著白帽與秀相見為機辭穎既而歎曰華亭鶴唳可復聞乎秀遂殺之穎并收雲及機司馬孫拯下獄以催令殺雲獄吏掠數百終言機冤吏謂拯曰二陸之枉誰不知之君何不愛身乎拯曰陸君兄弟世之奇才吾蒙知愛既不能救其死忍復從而誣之乎亦夷三族拯門人費慈宰意詣獄明拯冤拯譬遣之曰吾義不負二陸死自吾分卿何為爾邪曰君既不負二陸僕又安可負君固言拯冤以亦殺之○恰乞洽反士服也弟雲機拯音升

十一月長沙王又奉帝討張方不克穎進兵逼京師

甲子永興元年漢高祖劉淵元熙元年春正月東海王越使

張方殺長沙王又穎入京師自為丞相尋還鎮鄴

二月。頴廢皇后羊氏及太子覃。

顯表頴為皇太弟。自為太宰雍州牧。○秋七月。東海王越

奉帝征頴。復皇后太子。頴遣兵拒戰蕩陰。侍中嵇紹死之。

頴遂以帝入鄴。越走歸國。

頴自立為皇太弟。僭侈日甚。越奉帝北征。頴遣石超拒戰。帝頰中三矢。百官皆散。嵇紹朝服登輦。以身衛帝。兵人引紹斫之。帝曰：忠臣也。勿殺。對曰：奉太弟令。惟不犯陛下。一人耳。遂殺紹。血濺帝衣。頴迎帝入鄴。左右欲浣帝衣。帝曰：嵇侍中血。勿浣也。○越宣帝弟高密王泰子。

幽州都督王浚并州刺史東嬴公騰起兵討頴。騰越

八月。張方復入京城廢皇后太子。

劉淵自稱大單于。

初頴表淵監五部軍事。使將兵在鄴。淵子聰驍勇絕人。博涉經史。頴以聰為積弩將軍。淵從祖宣謂其族人曰：漢亡以來。我單于徒有虛號。歛手受役。奄過百年。左賢王英武超世。天苟不欲興匈奴。必不虛生此人。也。今司馬氏骨肉相殘。四海鼎沸。復呼韓邪之業。此其時矣。乃相與謀推淵為大單于。使其黨呼延攸詣鄴告之。淵白頴請歸會葬。頴弗許。及幽并兵起。淵請還說五部赴國難。頴悅。拜淵為北單于。淵至左國城。宣等止大單于之號。二旬之間。有眾五萬。○呼韓邪漢單于名。呼延。複姓。攸名。

幽并兵至鄴。頴奉帝還洛陽。浚大掠鄴中而還。

冬十月。李雄自稱成都王。國號成。尋稱帝。雄卒。子班立。李越弒班而立其弟期。李壽弒期。

自立。改國號漢。傳子勢。至穆帝永和二年。桓溫滅之。

劉淵自稱漢王。

國號漢。尋稱帝。淵卒。子和立。其弟聰弒而代之。聰卒。子榮立。靳準弒而代之。石勒討準。劉曜立。改國號趙。至成帝咸和三年。後趙主勒滅之。○淵以族子曜為建武將軍。曜生而眉白。目有赤光。幼

聰慧有膽量早孤養於淵及長儀觀魁偉性拓落高亮好讀書善屬文鐵厚一寸射而洞之聰重之以為漢世祖魏武之流

十一月張方遷帝於長安。

方在洛既久剽掠殆盡乃引兵入殿以所乘車迎帝通使上車帝垂淚從之

十二月太宰顛廢太弟頡更立豫章王熾為皇太弟。

乙丑二年秋七月東海王越自領徐州都督傳檄討張方。

成都故將公師藩寇掠趙魏。

成都王頡既廢河北人多憐之其故將藩等自稱將軍起兵趙魏眾至數萬初上黨武鄉羯人石勒有膽力善騎射并州大賊東嬴公騰執諸胡於山東賣充軍實勒亦被掠賣為荏平人師懼奴懼奇其狀貌而免之勒乃與牧帥汲桑結壯士為羣盜及藩起桑與勒帥數百騎赴之桑始命勒以石為姓勒為名藩攻陷郡縣轉前攻

鄴范陽王虓遣其將苟晞擊走之

冬十二月陳敏據江東劉弘遣江夏太守陶侃將兵討破

之。

初義陽蠻張昌反荆州都督劉弘遣侃討之昌走眾降別將石冰尚據臨淮敏擊冰斬之朝廷以敏為廣陵相敏自謂勇略無敵遂據江東以顧榮為右將軍賀循為丹陽內史豪傑名士咸加收禮循佯狂得免弘遣侃討之敏遣陳恢寇武昌侃屢破之敏將顧榮周玘殺敏以降

丙寅光熙元年成晏平元年是春正月太宰顛殺張方秋八

月荆州都督新城公劉弘卒。

時天下大亂弘專督江漢威行南服事成則曰某人之功如敗則曰老子之罪每有興發手書付守相丁寧款密人皆感悅爭赴之咸曰得劉公一紙書賢於十部從事○部從事都督屬官也每有興發必敕部從事分行

所屬
催督

九月頓邱太守馮嵩執成都王穎送鄴兖州刺史苟晞擊斬公師藩冬十月范陽王虓卒長史劉輿誅穎

輿以穎素為鄴人所附偽稱詔賜死

十一月帝中毒崩太弟熾即位

帝食餅中毒而崩或曰太傅越之鴆也

孝懷皇帝

諱熾字豐度武帝第二十五子在位六年

丁卯永嘉元年春二月羣賊王彌寇青徐

彌弓馬迅捷膂力過人青土號為飛豹後與其黨劉靈降漢

三月太傅越出鎮許昌

帝親覽大政留心庶事越不悅固求出藩

秋七月以瑯邪王睿為安東將軍都督揚州諸軍事鎮建業

睿至建業以安東司馬王導為謀主導說睿曰顧榮賀循此土之望宜引之以結人心乃以循為吳國內史榮為軍司導說睿謙以接士儉以足用以清靜為政撫綏新舊故江東歸心焉睿初至頗以酒廢事導以為言睿命酌引觴覆之於此遂絕

苟晞擊汲桑石勒大破之桑走死勒降漢

冬十一月以王衍為司徒

衍說太傅越曰朝廷危亂當賴方伯宜得文武兼資以任之乃以弟澄為荊州都督族弟敦為青州刺史語之曰荊州有江漢之固青州有負海之險卿二人在外而吾居中足以為三窟矣

慕容廆自稱鮮卑大單于。

戊辰二年。漢永鳳元年是。夏五月。漢王彌寇洛陽。張軌遣督

護北宮純入衛。擊破走之。

詔封軌西平郡公。軌辭不受。時州郡之使莫有至者。軌獨貢獻不絕。

己巳三年。漢河瑞春三月。太傅越入京師。殺中書令繆播。帝

舅王延等十餘人。

播延與尚書何綏並參機密。劉興潘滔勸越誅之。越乃誣播等欲為亂。以兵入宮。執播等於帝側。帝歎曰。姦臣賊子。無世無之。不自我先。不自我後。哀哉。起執播等手。涕泗歔歔。不能自禁。越遂害之。咸曰。善。人國之紀也。而加虐焉。其能終乎。綏奢侈過度。性既輕物。翰札簡傲。王尼謂人曰。綏居亂世。矜豪乃爾。死將不久。人曰。伯蔚聞言。必相危害。尼曰。伯蔚比聞我語。已死矣。初。綏祖曾侍武帝宴。退告子遵等曰。國家創業垂統。吾每宴見。未嘗

聞經國遠圖。惟說平生常事。非貽厥孫謀之兆也。及身而已。汝等猶可獲沒。指諸孫曰。此等必遇亂亡也。及綏死。兄嵩哭之曰。我祖其大聖乎。曾性奢豪。食日萬錢。猶曰。無下箸處。子幼有父風。一日之供。以錢二萬為限。永嘉之末。何氏滅亡。無遺焉。伯蔚。綏字。

庚午四年。漢烈宗劉聰。秋七月。漢主淵卒。太子和立。其弟聰

弒而代之。氏酋蒲洪自稱略陽公。

冬十月。以拓跋猗盧為大單于。封代公。

匈奴劉虎附漢。劉琨將討之。猗盧使其弟子帥騎助之。遂破虎。琨表為大單于。以代郡封之。

辛未五年。漢嘉平元年。夏四月。漢石勒追敗太傅越軍。執王

衍等。殺之。

勒寇襄陽。越自殺。王延等大失眾望。而不自安。乃戎服入見。請討勒。羽檄四方。所徵皆不至。憂懼卒於項。衍為

越軍司越卒眾共推為元帥行以賊寇蜂起辭曰吾少無官情隨謀推移遂至於此俄而舉軍為勒所破勒呼王公與之相見問行以晉故行為陳禍敗之繇云計不在已自說少不豫事欲求自免因勸勒稱尊號勒怒曰君名蓋四海身居重任少壯登朝至於白首何得言不豫世事邪破壞天下正是君罪謂其黨孔叢曰吾行天下多矣未嘗見如此人當可活不其曰彼晉之王公必不為我盡力勒曰要不可加以鋒刃也使入夜排墻填殺之行將死顧而言曰嗚呼吾曹雖不如古人向若不祖尚浮虛戮力以匡天下猶可不至今日

五月漢人入寇六月陷洛陽殺太子詮遷帝於平陽廢為

平阿公

漢主聰使呼延晏將兵寇洛陽劉曜石勒皆引兵會之遂陷洛陽帝欲奔長安漢兵追執之

司空荀藩奉秦王鄴趨許昌

藩出奔密移檄州鎮以琅邪王睿為盟主鄴奔密藩奉之以趨許昌時江東差安士民避亂者多南渡江王導

說睿收納賢俊辟掾屬才協下壺陳頴更亮甘卓周訪等百餘人時人謂之百六掾掾官屬也言置掾屬一人百六

秋八月漢劉曜寇長安南陽王模出降曜斬之遂據長安

冬十月馮翊太守索綝等擊敗漢兵於長安十二月迎秦

王鄴入雍城琅邪王睿以周顛為軍諮祭酒

前騎都尉桓彝避亂過江見睿微弱謂顛曰我以中州多故來此求全而單弱如此將何以濟既而見王導共論世事退謂顛曰向見管夷吾無復憂矣諸名士遊宴新亭顛中坐歎曰風景不殊舉目有山河之異因相視流涕導愀然變色曰當共戮力王室克復神州何至作楚囚對泣耶

壬申六年春二月張軌遣兵詣長安

主簿馬鮪說軌命將出師翼戴帝室軌從之馳檄關中其尊輔秦土

夏雍州刺史賈疋等進圍長安。漢劉曜敗走秦王鄴入長安。

漢石勒引兵據襄國。

琅邪王遣紀瞻討勒。勒集將佐議之。張賓曰：鄴有三臺之固，西接平陽，山河四塞，宜據之以營河北。河北既定，天下無虞。將軍之右者矣。時劉琨以兄子演鎮鄴，賓曰：攻之未易卒拔，不若擇便地而據之。勒遂進據襄國。號

賓曰

秋九月，賈疋等奏秦王鄴為皇太子，建行臺。

冬十二月，前太子洗馬衛玠卒。

玠，瓘之孫也。美風神，善清談，常以為人有不及，可以情恕，非意相干，可以理遣，故終身不見喜愠之色。

羌酋姚弋仲自稱扶風公。弋仲，南安赤亭人也。

孝愍皇帝

諱勰，字彥旗，武帝孫，吳王晏之子，在位四年。

癸建興元年春二月，漢主劉聰弒帝於平陽。庾珉、王雋死之。

三月

正月朔，漢主宴羣臣於光極殿，使帝著青衣行酒。珉雋號哭，聰惡之，殺珉雋等。丁丑，帝遇弒。

夏四月，太子鄴即位於長安。

五月，以琅邪王睿為左丞相，南陽王保為右丞相，分督陝

東西諸軍事。保，模之子。

左丞相睿以祖逖為豫州刺史。

逖少有大志，初與劉琨同寢，中夜聞雞鳴，蹴琨覺曰：此非尋常也，因起舞。渡江，說睿曰：晉室之亂，由宗室爭權，自相誅滅，遂使戎狄乘隙，毒流中原。今大王誠能發威命將，使若逖等為之統，則郡國豪傑必因風向赴，睿乃

給千人使將部曲百餘家渡江中流擊楫而誓曰祖逖不能清中原而復濟者有如大江辭色壯烈眾皆慨歎琨聞逖被用與親故書曰吾枕戈待旦志梟逆虜常恐祖生先吾著鞭

冬十二月石勒遣使奉表於王浚

浚謀稱尊號劉亮高柔切諫皆殺之勒遣舍人王子春奉表於浚浚悅遣使報聘浚使者至襄國勒匿其勁卒精甲羸師虛府以示之北面拜使者而受書浚遺勒麀尾勒陽不敢執懸之於壁朝夕拜之曰我不得見王公見其所賜如見公也浚使者還具言勒形勢寡弱欲誠無三浚益驕急不復設備明年勒襲浚殺之

甲二年春二月以張軌為太尉涼州牧

乙三年漢建元夏六月丞相睿加王敦都督江揚等州軍事

王敦徙陶侃為廣州刺史

敦嬖人錢鳳疾侃功毀之乃左轉侃廣州刺史侃在州無事輒朝運百甓於齋外暮運於齋內人問其故答曰吾方致力中原過爾優逸恐不堪事故習勞耳甓輒也

丙子四年漢麟嘉春二月張寔遣兵入援

涼州殺寔弟茂嗣後降於趙封涼王茂卒子駿立

冬十一月漢劉曜陷長安帝出降御史中丞吉朗死之漢廢帝為懷安侯

曜攻陷長安帝乘羊車肉袒出降朗歎曰吾智不能謀勇不能死何忍君臣相隨北面事賊虜乎乃自殺

通鑑纂要卷八

通鑑纂要

正編卷八

晉愍帝

十九

通鑑要卷九 正編
（此處為通鑑要卷九的正編內容，文字較為模糊，難以逐字辨認，但可見其為多欄排版的正文。）

通鑑要卷九 正編

雲閒 姚培謙平山 同錄

張景星二銘

同學吳 澄吟香參閱

東晉紀 宣帝曾孫琅邪恭王觀之子，都建業，凡十

中宗元皇帝 諱睿，字景文，在位六年。按睿母通小

丁丑 建武元年春三月丞相睿即晉王位。

始備百官立宗廟建社稷以王敦為大將軍王導為揚
州刺史領中書監錄尚書事刁協為僕射周顛為吏部
尚書賀循為太常時承喪亂之後江東草創協久宦中
朝諸練舊事循為世儒宗明習禮樂凡有疑議皆取決
焉

冬十一月立太學。

戴邈上疏以為世道久喪禮俗日弊猶火消膏莫之覺也今宜篤道崇儒以勵風化王從之

十二月漢主劉聰弒帝於平陽尚書郎辛賓死之。

聰出畋以帝戎服執戟前導見者指之曰此故長安天子也故老有垂泣者聰饗羣臣使帝行酒洗爵已而又使執蓋賓起抱帝大哭聰命斬之帝遂遇害

戊寅太興元年漢主劉曜春三月王即皇帝位。

夏四月加王導驃騎大將軍開府儀同三司晉參閱

導遣從事行揚州郡國還見谷亮二千石官長得失獨顧和無言導問之和曰明公作輔寧使網漏吞舟何緣採聽風聞以察察為政耶導咨嗟稱善

己卯二年後趙高祖夏四月將軍陳川以浚儀叛降石勒。

漢徙都長安立妃羊氏為后。

羊氏即惠帝后也曜嘗問之曰吾何如司馬家兒羊氏曰陛下開基之聖主彼亡國之暗夫何可並言彼貴為帝王有一婦一子及身三耳曾不能庇妾於爾時實不欲生意謂世間男子皆然自奉巾櫛以來始知天下自有丈夫耳曜甚寵之頗豫國事

祖逖討陳川石勒遣兵救之。漢改號趙。

冬十一月石勒稱趙王。是為後趙傳弘虎遵鑒閔五王改國號魏復姓冉氏至穆帝永和八年

年燕慕容恪滅之

庚辰三年涼王張茂秋七月後趙兵退走祖逖進屯雍邱詔

加號鎮西將軍。

逖將韓潛與後趙將桃豹分據陳川故城相守四旬逖以布囊盛土使千餘人運以餽潛又使數人擔米息於

道豹兵逐之即棄而走豹兵久饑以為逃士眾豐飽大懼後趙運糧饋豹逃又使潛邀擊獲之豹宵遁逃鎮雍邱後趙鎮成歸逃者甚多先是李矩郭默等互相攻擊逃馳使和解示以禍福遂皆受逃節度逃撫納新附練兵積穀為取河北之計後趙王勒患之乃下幽州為逃修祖父墓置守塚二家逃身門童建降於後趙勒斬之送首於逃曰叛臣逃吏吾之深讎將軍之惡猶吾惡也自是後趙人叛歸者逃皆不納禁諸將不使侵暴後趙之民邊境稍得休息

辛巳四年秋九月豫州刺史祖逖卒以其弟約代之

壬午永昌元年春正月王敦舉兵反

帝始鎮江東敦與從弟導同心翼戴帝亦推心任之敦總征討導專機政羣從子弟布列顯要時人為之語曰王與馬共天下後敦恃功驕恣帝畏而惡之乃引劉隗刁協等以為腹心稍抑損王氏之權導亦漸見疎外隗能任真推分澹如也而敦益懷不平遂舉兵武昌上疏罪狀隗協進軍致討隗協勸帝盡誅王氏帝不許導帥

宗族每且詣臺待罪周顛將入導呼之曰伯仁以百口累卿顛直入不顧及見帝言導忠誠申救甚至既又土表明導無罪導不知恨之帝召見導導稽首請罪帝跣而執其手曰茂弘方寄卿以百里之命是何言耶以為前鋒大都督敦至石頭帝命協隗等攻之俱敗敦擁兵不朝帝令公卿百官詣石頭見敦敦謂戴淵曰吾今此舉天下以為何如淵曰見形者謂之逆體誠者謂之忠敦笑曰卿可謂能言又謂顛曰伯仁卿負我顛曰公戎車犯順下官親帥六軍不能其事使王旅奔敗以此負公敦參軍呂猗說敦曰周顛戴淵皆有高名公不除之恐必有再舉之憂敦問導曰周戴南北之望當登三司無疑也導不答又曰止應僕射耶又不答曰若不爾正當誅爾又不答敦遂收殺之導後料檢中書故事見顛救已之表執之流涕曰吾雖不殺伯仁伯仁繇我而死幽冥之中負此良友敦改易百官及諸軍鎮竟不朝而還武昌○任真推分謂任其真性推之分限不介於懷也顛字伯仁累卿者以一家百口託之救解也導字茂弘協為人所殺隗奔後趙

冬閏十一月帝崩太子紹即位

肅宗明皇帝諱紹字道畿元帝長子在位三年

甲申太寧二年涼王張駿元年夏六月加司徒王導大都督揚州

刺史督諸軍討敦敦復反秋七月至江寧帝親征破之敦

死眾潰其黨錢鳳沈充伏誅

帝親任中書令温嶠敦惡之請為左司馬嶠乃繆為勤敬時進密謀以附其欲深結鳳為之聲譽每曰錢世儀精神滿腹鳳聞之甚悅會丹陽尹缺鳳推嶠為辭敦不聽嶠恐既已去而鳳於後問之因敦餞別起行酒酒至鳳未及飲嶠偽醉以手板擊鳳憤作色曰錢鳳何人温太真行酒而敢不飲行後鳳謂敦曰嶠於朝廷甚密未可信敦曰太真昨醉小加聲色何得使爾相讒嶠至建康盡以敦逆謀告帝帝與庾亮畫計討之加導大都督督諸軍討敦導聞敦疾篤帥子弟為敦發哀眾以為敦信死咸有奮志於是尚書騰詔下敦府列敦罪惡敦怒病轉篤將舉兵使郭璞筮之璞曰無成又問吾壽幾何璞曰明公起事禍必不久若住武昌壽不可測敦

大怒曰卿壽幾何曰命盡今日日中敦乃收璞斬之使兄舍與鳳等帥眾向京師舍奄至江寧帝夜率諸軍破之敦尋卒充舉兵與舍合臨淮太守蘇峻兖州刺史劉遐等擊充鳳大破之充鳳皆伏誅乃發敦瘞出屍跪而斬之舍奔荆州王舒沉之於江○鳳字世儀嶠字太真

乙酉三年夏五月以陶侃都督荆湘等州軍事

侃性聰敏勤於吏治常語人曰大禹聖者乃惜寸陰至於眾人當惜分陰諸參佐或以談戲廢事者命取其酒器捕博之具悉投之於江吏將則加鞭扑曰擣捕者牧豬奴戲耳時造船木屑竹頭悉令舉掌之咸不解所以後正會積雪始晴廳事前餘雪猶濕於是屑布地及桓温伐蜀又以所貯竹頭作丁裝船其綜理微密皆此類也○擣捕博戲正會元日之會禮也博即今之雙陸

秋閏七月帝崩司徒王導中書令庾亮尚書令卞壺受遺詔輔政太子衍即位太后臨朝稱制

太子生五年矣羣臣進重導以疾不至壺正色曰王公豈非社稷之臣邪大行在殯嗣皇未立寧是人臣辭疾之時導聞之與疾而至壺不肯苟同時好丹陽尹阮孚謂曰卿恒無閑泰常如含瓦石不亦勞乎壺曰諸君以道德恢弘風流相尚執鄙吝者非壺而誰時貴游子弟多慕王登謝鯤為達壺厲色於朝曰悖禮傷教罪莫斯甚中朝傾覆實由於此欲奏推之導亮不從乃止然而聞者莫不折節

顯宗成皇帝

諱行字世根明帝長子在位十七年

丁亥咸和二年冬十一月徵蘇峻為大司農峻與祖約舉兵

反

庾亮以峻在歷陽終為禍亂下詔徵峻不應命峻知約亦怨朝廷乃請共討亮約喜以兵會峻

十二月蘇峻襲陷姑孰宣城內史桓彝起兵赴難

彝欲起兵赴朝廷長史裨惠以郡兵寡弱宜且案甲以待之彝厲色曰見無禮於其君者若鷹鷂之逐鳥雀今

社稷危逼義無寧安遂進屯蕪湖

戊子三年後趙太春二月尚書令成陽公卞壺督軍討蘇峻

戰敗死之峻兵犯闕

峻攻青溪壺時發背瘡猶未合力疾而戰遂死二子矜盱見父沒相隨赴敵同時見害母裴氏撫尸哭曰父為忠臣汝為孝子夫何恨乎

夏五月溫嶠以陶侃入討蘇峻峻遷帝於石頭

嶠聞建康不守號勸邀侃同赴國難侃戎服登舟晝夜而進郁鑿在廣陵流涕誓眾同趣建康峻自姑孰還遷帝於石頭侃等會舟師直指石頭

蘇峻分兵陷宣城內史桓彝死之

彝遣將軍俞縱守蘭石韓晃攻之將敗左右勸退軍縱曰吾之不可負桓侯猶桓侯之不負國也力戰而死晃

遂進軍至是城陷執彝殺之

秋九月陶侃溫嶠討蘇峻於石頭斬之峻弟逸代領其眾

己丑四年是歲趙亡春二月諸軍討蘇逸斬之

夏四月驃騎將軍始安公溫嶠卒諡曰忠武

庚寅五年趙建平元年是歲石勒稱帝

壬辰七年春正月趙大饗羣臣

趙主勒謂中書令徐光曰朕可方自古何等主對曰陛下神武謀略過於漢高勒笑曰人豈不自知朕若遇漢高祖當北面事之若遇光武當竝驅中原未知鹿死誰手大丈夫行事宜礪礪落落如日月皎然終不效曹孟德司馬仲達欺人孤兒寡婦孤媚以取天下也勒雖不學好使諸生讀書而聽之嘗使人讀漢書聞鄴食其勸立六國後驚曰此法當失何以遂得天下及聞雷侯諫曰賴有此耳○礪落魁壘貌

甲午九年趙主石弘延熙元年夏六月太尉長沙公陶侃卒諡曰桓

侃明毅善斷人不能欺謝安每言陶公雖用法而恒得法外意

以庾亮都督江荆等州軍事

亮鎮武昌辟殷浩為記室參軍浩與褚裒杜乂皆以識度清遠善談老易擅名江東而浩尤為風流所宗桓彝嘗謂裒曰李野有皮裏春秋言其外無臧否而內有褒貶也謝安曰裒雖不言而四時之氣已備○老子易周易李野裒字

乙未咸康元年趙太祖石虎建武元年春三月幸司徒王導

府

時帝委政於導導辟王濛王述為掾屬濛不修小廉而以清約見稱與劉惔友善惔嘗稱濛性至通而自然有節濛曰劉君知我勝我自知述性沈靜每坐客辨論蜂起而述處之恬如也年三十尚未知名人謂之癡導以

門地辟之既見唯問江東米價述張自不答導曰王掾不癡導每發言一坐莫不贊美述正色曰人非堯舜何得每事盡善

導改容謝之
戊四年漢中宗李壽漢興元年代夏五月以司徒王導為

太傅都督中外諸軍事六月夏以導為丞相

庾亮雖居外鎮而遙執朝權導內不能平嘗遇西風塵起舉扇自蔽徐曰元規塵汚人

己五年秋七月丞相始興公王導卒以庾冰為中書監揚

州刺史參錄尚書事

導簡素寡慾善因事就功輔相三世倉無儲穀衣不重帛卒謚文獻亮弟冰經綸時務不舍晝夜賓禮朝賢升擢後進朝野翕然稱為賢相

庚子六年春正月司空庾亮卒以庾翼都督江荆等州軍事

翼亮弟

辛丑七年春二月封慕容皝為燕王傳僞暉二主至帝奕太和元年秦王堅滅之

壬寅八年夏六月帝崩瑯邪王岳即位

帝不豫二子丕奕皆在襁褓庾冰恐易世之後親屬愈疎為人所閒請以母弟瑯邪王岳為嗣帝許之

康皇帝諱岳字世同成帝弟在位二年

癸卯建元元年秋七月詔議經略中原庾翼表遣梁州刺史

桓宣伐趙

翼薦桓彝子溫於成帝曰溫有英雄之才宜委以方邵之任時杜乂殷浩竝才名冠世翼曰此輩互束之高閣俟天下太平然後徐議其任耳浩屢辭徵辟時人擬之管葛謝尚王濛常伺其出處以卜江左興亡嘗相謂曰深源不起當如蒼生何翼請浩為司馬浩不應翼遺之書曰王夷甫立名非真雖云談道實長華競明德君子

遇會處際寧可然乎浩猶不起翼以滅胡取蜀為己任遣使約燕涼刻期大舉朝議多以為難惟庾冰意與之同而溫贊成之至是詔議經略中原翼欲悉眾北伐表宣都督諸軍趣丹水溫為前鋒小督帥眾入臨淮宣及趙兵戰於丹水敗績慙憤而卒○浩字方仰在周宣王深源衍字夷甫胡謂後趙蜀謂李壽方叔邵伯用中興甲辰二年漢主李勢秋九月帝崩太子聃即位太后臨朝稱制

孝宗穆皇帝諱聃字彭子康帝太子在位十七年

乙巳永和元年春正月以會稽王昱為撫軍大將軍錄尚書

六條事夏六月帝崩

昱清虛寡欲尤善玄言常以劉惔王濛韓伯為談客郝超謝萬為掾屬超鑒之孫也少卓犖不羈父愔簡默冲退而嗇於財積錢至數千萬嘗開庫任超所取超散施親故一日都盡萬安之弟也清曠秀邁亦有時名

秋七月江州都督庾翼卒以桓溫都督荆梁等州軍事

翼病表子方之為荆州何充曰荆楚國之西門豈可以白面少年當之哉溫英略過人有文武器幹西夏之任無出溫者丹陽尹劉惔每奇溫才然知其有不臣之志謂會稽王昱曰溫不可使居形勝之地昱不聽竟以溫代翼

冬十二月張駿自稱涼王傳重華曜靈祚玄觀天錫五主至武帝太元元年秦王堅滅之

丙午二年漢嘉寧元年涼王張重華永樂元年春三月以殷浩為揚州刺史

浩固辭會稽王昱與浩書曰足下去就即時之廢興也浩乃就職

冬十一月桓溫帥師伐漢

溫拜表即行朝廷以蜀道險遠溫眾少而深入為憂劉惔曰溫善博者也不必得則不為但恐克蜀之後專制朝廷耳竟敗漢兵三年三月漢主勢降

己酉五年。趙太寧元年。趙主石鑒青龍元年。燕主慕容儁元年。是歲石虎稱帝。夏四月。蒲洪遣使來降。

初趙主虎以洪都督秦雍虎卒子遵弒弟世自立石閔言於遵曰洪人傑也今鎮關中恐秦雍之地非復國家之有互改圖之遵從之罷洪都督洪怒遣使來降冬十一月石鑒弒其主遵而自立

庚戌六年。魏主冉閔永興元年。春閏正月。蒲洪自稱三秦王。改姓苻。尋為故趙將麻秋所殺洪子健收秋斬之

二月。趙石祗稱帝於襄國。次年為其將劉顯所滅 春正月。苻健自稱秦天王。

辛亥七年。秦主苻健皇始元年。是歲趙亡。秋八月。姚弋仲遣使來降。弋仲卒子襄率眾來歸詔屯譙城 壬子八年。燕烈祖慕容儁元璽元年。春正月。殷浩使督統

謝尚荀羨進屯壽春。張遇據許昌叛。降於秦。

浩上疏請北出許洛以尚羨為督統進屯壽春初魏豫州牧遇以州來降至是尚等不能撫慰之遇怒據許昌叛降於秦

夏六月。謝尚攻張遇於許昌。秦人救之。尚等敗績。殷浩退屯壽春。後遇謀滅苻氏為秦王苻健所殺

秋九月。殷浩進屯泗口。

浩北伐無功復謀再舉中軍將軍王羲之遺浩書曰區區江左力爭武功非所當作莫若還保長江引咎責躬與民更始庶可以救倒懸之急也若猶以前事為未工復求之於分外宇宙雖廣自容何所浩不從

癸丑九年。秋七月。殷浩遣兵襲姚襄不克。冬十月。遂率諸軍北伐。襄邀敗之。浩走譙城。

襄屯歷陽乃夾淮廣興屯田訓厲將士浩惡其疆盛屢遣刺客刺之客皆以情告襄浩潛遣將軍魏憬襲襄斬憬并其眾浩愈惡之遷襄蠡臺表授梁國內史襄益疑懼初浩陰遣人誘秦梁安雷弱兒使殺秦主健許以關右之任弱兒等偽許之且請兵應接浩聞張遇作亂以為安等事成遂自壽春帥眾北伐以襄為前驅襄度浩將至偽遁而陰伏兵以邀之浩敗走保譙城襄濟淮屯盱眙

甲寅十年涼王張祚春正月殷浩以罪免為庶人徙信安

浩北伐屢敗桓溫請廢之免為庶人自此內外大權一歸於溫矣浩既廢黜雖怨不形辭色常書空作咄咄怪事字久之溫謂掾却超曰浩有德有言向使作令僕足以儀刑百揆朝廷用違其才耳將以浩為尚書令以書告之浩欣然許焉答書慮有謬誤開閉者令僕尚書令十數竟達空函溫大怒繇是遂絕卒於徙所僕取官石

二月桓溫帥師伐秦夏四月大敗秦兵於藍田進軍灊上

三輔皆降

北海王猛隱居華陰聞溫入關被謁詣之捫虱而談當世之務旁若無人溫問曰吾奉命除殘賊而三秦豪傑未有至者何也猛曰公不遠數千里深入敵境今長安咫尺而不渡灊水百姓未知公心所以不至溫默然徐曰江東無卿比也乃署猛軍諮祭酒猛辭不就

乙卯十一年秦主苻生壽光元年涼王張玄靚太始元年

丙辰十二年春正月以桓溫為征討大都督督諸軍討姚襄

溫自江陵北伐與寮屬登平乘樓望中原歎曰遂使神州陸沈百年邱墟王夷甫諸人不得任其責記室袁宏曰運有興廢豈必諸人之過溫作色曰昔劉景升有千斤大牛噉芻豆十倍於常牛負重致遠曾不若一羸犝魏武入荊州殺以享軍至伊水襄戰敗奔北山溫屯金墉謁諸陵修毀壞置鎮戍而還神州中原也陸沉淪沒也邱墟空城也

丁巳升平元年秦主苻堅永興元年夏四月姚襄據黃落秦遣

兵擊斬之弟萇以眾降秦

六月秦苻堅弒其君生自立為天王

堅去帝號稱大秦天王尚書呂婆樓薦王猛於堅一見如舊友語及時事堅大悅自謂如玄德之遇孔明也

己未三年秦甘露冬十月謝萬却曇伐燕曇病引還萬眾潰

免為庶人

萬矜豪傲物但以嘯詠自高未嘗撫眾兄安謂萬曰汝為元帥宜數接對諸將以悅其心豈有傲誕如此而能濟事也萬乃召集諸將一無所言直以如意指四坐云諸將皆勁卒諸將益恨之既而萬帥眾入渦潁曇以病退屯彭城萬以為燕兵大盛故曇退即引兵還眾遂驚潰萬狼狽單歸詔廢為庶人於是許昌潁川譙沛諸城相次皆沒於燕凡奮身行伍者以兵卒為諱稱將為卒所以益恨渦潁二水名

庚申四年燕幽帝慕容暉建熙元年秋八月桓溫以謝安為征西司馬

安少有重名前後徵辟皆不就寓居會稽以山水文籍自娛雖為布衣時人皆以公輔期之士大夫至相謂曰安石不出當如蒼生何安每遊東山常以妓女自隨會稽王昱聞之曰安石既與人同樂必不得不與人同憂名之必至及溫請為司馬安乃赴召溫深禮重之○安字安石

辛酉五年夏五月帝崩瑯邪王丕即位

哀皇帝諱丕字十齡成帝長子在位四年

壬戌隆和元年春二月燕呂護攻洛陽桓溫遣兵救之秋七

月燕師引還

癸亥興寧元年夏五月加桓溫大司馬都督中外諸軍錄尚書事

溫以却超為參軍王珣為主簿每事必與二人謀之府中為之語曰鬚參軍短主簿能令公喜能令公怒

甲子二年涼西平悼公張天錫元年

乙丑三年秦建元元年春三月帝崩瑯邪王奕即位

帝崩無嗣皇太后詔以奕承大統

帝奕諱奕字延齡哀帝同母弟在位六年桓温廢為海西公

己巳太和四年夏四月大司馬温帥師伐燕秦人救之秋九月温及燕人戰於枋頭不利而還

温伐燕燕王暉使吳王垂帥眾五萬拒温暉又遣樂嵩請救於秦秦王堅遣騎二萬救燕與垂夾擊温大破之時征役既頻加之疫癘死者什四五百姓嗟怨秘書監孫盛作晉春秋直書時事温見之怒謂盛子曰枋頭誠為失利何至乃如尊君所言若此史遂行自是關君門戶事盛性方嚴諸子號泣請改不許遂私改之關君誅滅之

冬十一月燕慕容垂出奔秦秦以為冠軍將軍

吳王垂還鄴威名益振太傅評愈忌之太后可足渾氏素惡垂與評謀誅之乃奔秦初秦王堅陰有圖燕之志憚垂不敢發垂至大喜王猛曰垂父子譬如龍虎非可馴之物若借以風雲將不可復制不如早除之堅曰吾方收攬英雄以清四海奈何殺之乃以垂為冠軍將軍

庚午五年是歲燕亡夏六月秦王猛督諸軍伐燕冬十一月秦王

堅入鄴執燕王暉

猛克壺關所過皆望風降附堅自帥精銳十萬赴鄴使將軍郭慶追暉執之遷於長安封為新興侯

太宗簡文皇帝諱昱字道萬元帝少子在位二年

辛未咸安元年冬十一月大司馬温入朝廢帝為東海王迎

會稽王昱入即位

溫陰蓄不臣之志嘗撫枕歎曰男子不能流芳百世亦當遺臭萬年及枋頭之敗威名頓挫却超謂溫曰明公不為伊霍之舉無以立大威權溫遂與定議以帝素謹無過而床第易誣乃揚言帝早有痿疾嬖人朱靈寶等參待內寢三美人生三男將移皇基人莫能審其虛實溫乃詣建康諷褚太后廢帝為東海王尋降為海西縣公迎昱即位溫仍還鎮姑孰○第床板痿痺濕病言帝有陰痿之疾也一說床第易誣謂淫亂之語易以誣枉人也

申二年秋七月帝崩太子昌明即位

烈宗孝武皇帝諱曜字昌明簡文帝第三子在位二十四年

癸酉寧康元年春二月大司馬溫來朝

詔謝安王坦之迎於新亭時人情恟恟云欲誅王謝因移晉祚溫至大陳兵衛延見朝士坦之流汗沾衣倒執手板安從容就席謂溫曰安聞諸侯有道守在四鄰明公何須壁後置人邪溫笑曰正是不能不爾命撤之與

安笑語移日却起臥帳中聽其言風動帳開安笑曰却生可謂入幕之賓矣溫有疾還姑孰○恟恟驚懼也守在四隣不用兵甲朝廷近侍臣曰入幕賓今超在帳中故云

秋七月大司馬桓溫卒以桓冲都督揚豫江州軍事

冲既代溫居任盡忠王室或勸誅除時望冲不從始溫在鎮死罪皆專決冲以為生殺之重當歸朝廷須報後行○冲溫之弟

甲戌二年春二月詔謝安總中書

安好聲律期功之慘不廢絲竹士大夫效之王坦之諫曰天下之寶當為天下惜之安不能從○期周年功大有周期大功小功之慘謂

乙亥三年秋七月秦丞相清河侯王猛卒

猛寢疾秦王堅訪以後事猛曰晉雖僻處江南然正朔相承上下安和臣沒之後願勿以晉為圖言終而卒堅

曰天不欲使吾平二六合邪何奪吾景略之速也○猛字景略

丙子太元元年是歲涼代皆亡

丁丑二年冬十月以桓冲都督江荆等州軍事謝玄監江北軍事

朝廷方以秦寇為憂詔求文武良將謝安以兄子玄應詔却超聞之歎曰安之明乃能違眾舉親玄之才足以不負所舉眾咸以為為不然超曰吾嘗與玄在桓公府見其使才雖履履間未嘗不得其任玄鎮廣陵慕驍勇之士得劉牢之等數人為參軍戰無不捷時號北府兵敵人畏之

己卯四年夏五月秦陷盱眙進圍三阿謝玄連戰敗走之

謝安為相秦人屢入寇眾心危懼安每鎮以和靜其為政務舉大綱不為小察時人比安於王導而謂文雅過之

壬午七年冬十月秦會君臣於太極殿

秦王堅謀入寇左僕射權翼曰晉雖微弱謝安桓冲皆江表偉人君臣輯睦未可圖也太子左衛率石越曰今福德在吳伐之必有天殃且彼據長江之險民為之用殆未可伐也堅曰以吾之眾投鞭於江足斷其流又何險之足恃乎陽平公苻融曰伐晉有三難天道不順晉國無釁我數戰兵疲民有畏敵之心王景略一時英傑陛下獨不記其臨沒之言乎堅不聽

癸未八年秋八月秦王堅大舉入寇詔征討都督謝石冠軍

將軍謝玄等帥師拒之

堅發長安戎卒六十餘萬騎二十七萬兵至潁口詔以石玄等督眾八萬拒之時都下震恐玄入問計於謝安安夷然答曰已別有旨既而寂然遂命駕出遊山墅親朋畢集與玄圍碁賭墅安碁劣於玄是日玄懼便為敵手桓冲深以根本為憂遣精騎三千入援安固却之曰朝廷處分已定兵甲無闕宜留以防西藩○夷然言

坦然無異乎
日、野、田、廬也、

冬十一月謝石謝玄等大破秦兵於肥水殺其大將苻融
秦王堅走還長安

秦陽平公融等攻壽陽克之將軍梁成等屯於洛澗石
玄等去洛澗二十五里而軍憚成不敢進融遣尚書朱
序來說石等使降序私謂石等曰若秦百萬之眾盡至
誠難與為敵今乘諸軍未集宜速擊之若敗其前鋒則
彼已奪氣可遂破也玄遣劉牢之帥精騎五千趣洛澗
渡水擊成大破斬之分兵斷其歸津秦步騎赴淮死者
萬五千人於是石等水陸繼進堅與融登壽陽城望之
見晉兵部陣嚴整又望見八公山草木皆以為晉兵顧
謂融曰此亦勅敵何謂弱也憮然始有懼色秦兵逼肥
水而陳玄遣使謂融曰君懸軍深入而置陳逼水此乃
持久之計非欲速戰者也若移陳小却使我兵得渡以
決勝負不亦善乎秦諸將皆曰我眾彼寡不如過之使
不得上可以萬全堅曰但使半渡我以鐵騎蹙而殺之
茂不勝矣融亦以為然遂麾兵使却秦兵遂退玄等乘

勝追擊秦兵大敗死者蔽野塞川其走者聞風聲鶴唳
皆以為晉兵初秦兵小却在陳後呼曰秦兵敗矣眾
遂大奔序因與張天錫皆來奔復取壽陽堅中流矢單
騎走是時慕容垂所將三萬人獨全堅以千餘騎赴
之世子寶言於垂曰此時不可失願不意氣微恩亡
社稷之重垂曰彼以赤心投我若之何害之垂悉以兵
授堅謝安得驛書知秦兵已敗方與客圍棋攝書置牀
上了無喜色圍棋如故客問之徐答曰小兒輩遂以破
賊既罷還內過戶限不覺屐齒之折堅收集離散比至
洛陽眾十餘萬行至澗池垂言於堅曰北鄙聞王師不
利輕相煽動臣請奉詔書以鎮慰之堅許之權翼諫曰
垂勇略過人世豪東夏譬如養鷹饑則附人每聞風
之起常有凌霄之志正宜謹其條籠豈可解縱任其所
欲哉堅曰卿言是也然朕已許之匹夫猶不食言况萬
乘乎若天命有興廢固非智力所能移也翼曰陛下重
小信而輕社稷臣見其往而不返關東之亂自此始矣
堅不聽○序先為襄州刺史為秦所
執颺音標狂風也條音叨編絲為之

秦將軍乞伏國仁叛據隴右

國仁本隴西鮮卑居勇士川為秦前將軍

甲申九年燕世祖慕容垂元年後秦太祖姚萇白雀元年春正月慕容垂自稱燕王

是為後燕都中山後稱帝傳寶盛熙三主為高雲所篡雲被殺馮跋自立為王跋卒弟弘立至宋文帝元嘉十

三年魏滅之

夏四月秦司馬姚萇自稱秦王是為後秦

燕慕容泓起兵華陰秦遣苻叡擊之以萇為司馬泓聞秦兵且至將奔關東叡欲馳兵邀之萇諫曰鮮卑皆有

思歸之志故起而為亂宜驅令出關不可遏也夫執纜鼠之尾猶能反噬於人但可鳴鼓隨之彼將奔敗不暇

矣叡弗從與戰果敗見殺萇遣其長史詣堅謝罪堅怒殺之萇懼奔渭北馬牧羗豪推萇為盟主萇自稱秦王進屯北地羗胡降者十餘萬後取長安稱帝

乙酉十年秦苻丕大安元年西燕主慕容冲更始元年西秦王乞伏國仁建義元年春正月燕

慕容冲稱帝於阿房是為西燕後燕人弒冲而立段隨又弒忠而立慕容永至十九年燕王垂滅之

容永至十九年燕王垂滅之

夏五月西燕攻長安秦王堅出奔五將山

後秦王萇圍五將山執堅以歸幽於別室使求傳國璽堅叱之曰璽已送晉不可得也堅自以平生遇萇有恩尤忿之數罵萇求死萇遣人縊之欲隱其名諡堅曰壯烈天王

秋八月太保建昌公謝安卒諡曰文靖

以琅琊王道子領揚州刺史錄尚書都督中外諸軍事道子

簡文帝少子後徙會稽王

秦苻丕稱帝於晉陽明年西燕王永擊殺之

九月乞伏國仁自稱單于是為西秦傳乾歸熾磐暮末三主至宋文帝元嘉八年夏王昌

滅之

丙十一年。秦王苻登太初元年。燕主慕容垂建興元年。後魏太祖道武帝拓跋珪登國元年。○是歲。春正月。拓跋珪復立為代王。珪，什翼犍孫也。尋改稱魏。

冬十一月。秦苻登稱帝。登，秦疎屬也。封南安王。至是聞丕死，即位。至十九年，後秦王興殺之。

太子崇奔湟中，為西秦王乾歸所殺。

戊十三年。西秦王乞伏乾歸太初元年。

己十四年。涼麟嘉元年。春二月。呂光自稱三河王。光，秦將也。初，自稱涼州牧、酒泉公。至是稱王。

庚十五年。春二月。以王恭都督青兗等州軍事。

壬十七年。冬十一月。以殷仲堪都督荆益寧州軍事。

仲堪到官，好行小惠，綱目不舉。南郡公桓玄負其才地，以雄豪自處，朝廷疑而不用。年二十三，始拜太子洗馬。

鬱鬱不得志，嘆曰：父為九州伯，兒為五湖長，遂棄官歸國。桓氏累世臨荆川，玄復豪橫，士民畏之。嘗於仲堪廳事前戲馬，以稍擬仲堪，征虜參軍胡藩過江陵，見仲堪，曰：玄志趣不常，節下崇待太過，非計也。○稍，矛屬。

甲十九年。秦主苻崇延初元年。後秦主姚興春正月。三河王光以禿髮烏孤為河西都統。

烏孤本鮮卑別種，與拓跋同祖，後徙河西。

乙二十年。春三月。以丹陽尹王雅領太子少傅。

時會稽王道子專權奢縱，帝逼於太后，不忍廢黜，乃擢雅及王恭、殷仲堪、王珣等居內，外要任以防之。道子亦

通鑑纂要

正統卷九

晉孝武帝

十七

引王國寶王緒為心腹

丙二十一年燕主慕容寶永康元年魏皇始元年涼王呂光龍飛元年夏六月三河王

光自稱涼天王傳紹纂超隆四主安帝元興二年降於秦

秋九月貴人張氏弒帝於清暑殿太子德宗即位

張氏寵冠後宮時年近三十帝戲之曰汝以年亦當廢矣吾意更屬少者已而醉寢清暑殿張氏使婢以被蒙帝面而弒之重賂左右曰因魘暴崩

安皇帝諱德字德宗武帝長子在位二十二年

丁隆安元年南京王禿髮烏孤太初元年春正月禿髮烏孤

自稱西平王攻涼取金城是為南京烏孤卒弟利鹿孤立更稱河西王鹿孤卒弟儁檀立

至義熙十年西秦王熾磐襲滅之

夏四月王恭舉兵反詔誅僕射王國寶將軍王緒恭罷兵還鎮

國寶緒依附會稽王道子惡恭殷仲堪勸道子裁損其兵權恭遣使與仲堪謀討之桓玄亦以仕不得志欲假仲堪兵勢以作亂乃說仲堪曰國寶與君惟患相斃之不速耳今既執大權無不如志若發詔徵君何以處之仲堪曰計將安出玄曰孝伯疾惡深至互潛與之約興晉陽之甲以除君側之惡玄雖不肯願帥荆楚豪傑荷戈先驅此桓文之勲也仲堪疑未決會恭使至仲堪乃許之恭上表罪狀國寶舉兵討之國寶上疏解職待罪道子聞懼欲求姑息乃賜國寶死斬緒於市遣使謝恭恭乃罷兵仲堪兵亦還○孝伯恭字晉趙鞅取晉陽之甲以逐荀寅與士吉射二人君側惡人也

涼沮渠蒙遜叛拔臨松據金山

燕慕容詳稱帝於中山時魏圍中山燕主寶出奔詳守城拒魏遂即位慕容麟殺詳而自立

魏復攻之。時慕容德守鄴。麟奔之。寶尋為尚書。蘭汗所殺。

涼段業叛。自稱建康公。沮渠蒙遜以眾歸之。段業建康太守也。蒙遜從

兄男成遣使說之。叛推業為涼州牧。是為北涼。

戊二年。燕主慕容盛建平元年。魏天興元年。南春正月。慕容德徙居滑臺。稱燕王。

容德徙居滑臺。稱燕王。德徙居滑臺。德從之。麟以謀反。伏

誅。德復徙廣固。後稱帝。傳子超。至義熙六年。劉裕滅之。

二月。以王愉都督江豫州軍事。

會稽王道子忌王殷之逼。以譙王尚之及弟休之。有才略。引為腹心。尚之曰。今方鎮疆盛。宰輔權輕。宜樹腹心於外。以自衛。道子乃以愉為江州刺史。都督江州及豫之四郡軍事。

秋七月。王恭殷仲堪及南郡公桓玄反。

玄求為廣州。會稽王道子忌玄在荆州。因從之。玄受命而不行。豫州刺史庾楷以道子割其四郡屬王愉。遣其子鴻說恭曰。尚之兄弟復秉機權。欲削方鎮。宜早圖之。恭告仲堪及玄。皆許之。推恭為盟主。刻期同趣京師。司馬劉牢之諫曰。會稽王為將軍。其所愛。其伏將軍已多矣。頃割楷四郡以配愉。於將軍何損。晉陽之甲。豈可數與乎。恭不從。上表請討愉。司馬尚之兄弟道子不知所為。悉以軍事委世子元顯。日飲醇酒而已。仲堪聞恭舉兵。悉以軍事委南郡相楊佺期。兄弟佺期帥舟師五千為前鋒。玄次之。仲堪帥精兵二萬繼下。遂克江州。愉奔臨川。玄追獲之。

九月。加會稽王道子黃鉞。討王恭。恭司馬劉牢之執恭以

降。斬之。以牢之都督青兗七州軍事。桓玄為江州刺史。楊

佺期為雍州刺史。敕殷仲堪使回軍。

冬十二月。魏王珪稱皇帝。命朝野皆束髮加帽。

妖人孫泰謀亂伏誅

初泰學妖術於杜子恭士民多奉之王雅薦於武帝云知養性之方累官至新安太守泰以討王恭為名收兵聚貨謀作亂會稽內史謝輜發其謀道子誘而斬之兄子恩逃入海聚合亡命以謀復讎

己三年燕長樂元年秦弘始元年春二月段業自稱涼王蒙遜

弒之

三月魏分尚書諸曹置五經博士

魏主珪問博士李先曰天下何物可以益人神智對曰莫若書籍遂命郡縣大索書籍

夏四月以會稽世子元顯為揚州刺史

會稽王道子有疾且無日不醉元顯知朝望去之諷朝廷解道子揚州以授元顯元顯以廬江太守張法順為謀主多引樹親黨朝貴皆畏事之

冬十月孫恩寇陷會稽殺內史王凝之詔徐州刺史謝琰

及劉牢之討破之以琰為會稽太守

恩自海島攻會稽殺凝之於是八郡之人一時起兵殺長吏以應恩旬日中眾數十萬命琰及牢之討之所向輒克彭城劉裕勇健有大志以賣履為業好擄為鄉閭所賤牢之引參軍事使將數十人覘賊遇賊數千人即迎擊之從者皆死裕墜岸下賊臨岸欲下裕奮長刀仰斫殺數人乃得登岸仍大呼逐之殺傷甚眾劉敬宜怪裕久不返引兵尋之見裕獨驅數千人咸共歎息因進擊賊大破之恩復逃入海島牢之縱兵暴掠士民失望朝廷憂恩復至以琰為會稽太守都督五郡軍事戍海浦○敬宜牢之子

以會稽世子元顯錄尚書事

時國用虛竭公卿日廩七升而元顯聚斂不已富踰帝室

桓玄舉兵攻江陵殺殷仲堪楊佺期

仲堪恐玄跋扈乃與佺期結婚為援佺期屢欲攻玄仲
 堪每止之是歲荊州大水仲堪竭倉廩以賑饑民玄欲
 乘其虛而伐之乃發兵西上聲言救洛先遣兵襲取巴
 陵積穀食之江陵乏食以胡麻廩軍仲堪急召佺期自
 救佺期曰江陵無食可來相就共守襄陽仲堪給之曰
 比來收集已有儲矣佺期帥步騎八千至江陵仲堪唯
 以飯餉之佺期大怒曰今茲敗矣不見仲堪遂擊玄
 大敗奔還仲堪亦奔鄠城玄遣將馮該追獲皆殺之
 庚子四年南燕建平元年南涼王禿髮利鹿孤建和元年西
 涼公李暠庚子元年○是歲南燕王德稱帝西秦
 秦降冬十一月北涼敦煌太守李暠自稱涼公是為西涼暠
 宋高祖永初元年北涼王蒙遜滅之

辛丑五年燕主慕容熙光始元年涼王呂隆神夏六月孫恩
 寇丹徒劉裕討破之恩北走陷廣陵復緣海南走
 沮渠蒙遜自稱張掖公亦號北涼後稱王傳子牧犍

壬寅元興元年南涼王禿髮傉檀弘昌元年春正月以尚書令元顯為征
 討大都督加黃鉞討桓玄柔然據漠北自稱可汗

桓玄舉兵反。
抗表傳檄罪狀元顯舉兵東下

二月桓玄兵至姑孰三月劉牢之叛附於玄元顯軍潰玄
 入建康自以太尉總百揆殺元顯等以牢之為會稽內史
 牢之自殺。

玄至南桁元顯軍潰被執玄入京師稱詔解嚴自為大
 尉徙會稽王道子於安成郡斬元顯尚之庾楷張法順
 以牢之為會稽內史牢之曰始爾便奪我兵禍其至矣
 大集僚佐議據江北以討玄參軍劉襲曰將軍往年反
 王兖州近日反司馬郎君今復反桓公一人三反何以
 自立語畢趨出佐吏多散走牢之懼帥部曲北走至新

洲，溢而死。○桁，通航，南桁地名。王兖州，王恭，司馬郎君，元顯。

孫恩寇臨海，郡兵擊破之。恩赴海死。桓玄以恩黨盧循為

永嘉太守。

夏五月，盧循寇東陽，劉裕討走之。

桓玄殺會稽王道子。

癸卯二年，是歲，春二月，盧循使其黨徐道覆寇東陽，建武將

軍劉裕討破之。道覆，循之姊夫。

秋九月，桓玄自為相國，封楚王，加九錫。

殷仲文，下範之勸，玄早受禪，桓謙私問劉裕曰：「楚王勳，德隆重，朝廷之情，咸謂宜有揖讓。」卿以為何如？」裕曰：「楚王勳，德蓋世，晉室民望久移，乘運禪代，有何不可。謙喜曰：「卿謂之可，即可耳。」謙中子，亦勳為王。

冬十一月，楚王玄稱皇帝，廢帝為平固王，遷於尋陽。

玄表請歸藩，使帝作手詔固留之，又以前世皆有隱士，耻獨無之，求得皇甫希之，給其資用，使居山林，徵為著作郎，又使固辭，然後下詔旌禮，號曰高士。時人謂之充隱，卜範之為禪詔，逼帝書之，遣司徒王謐禪位於楚，出居永安宮，玄即帝位，改元永始，入建康宮，登御座，而床忽陷，殷仲文曰：「將由聖德深厚，地不能載。」玄大悅。

甲辰三年，魏天賜，春二月，劉裕起兵京口，討玄，玄使弟謙拒

之。

裕入朝，玄謂王謐曰：「裕風骨不常，蓋人傑也。」玄妻劉氏亦謂玄曰：「裕龍行虎步，視瞻不凡，恐終不為人下。」不如早除之。」玄曰：「我方平蕩中原，非裕莫可用者。」侯關河平定，別議之耳。」裕與何無忌密謀興復，劉毅亦與無忌謀之。無忌曰：「桓氏彊盛，其可圖乎？」毅曰：「天下自有彊弱，苟為失道，雖彊易弱。」正患事主難得耳。無忌曰：「草澤之中，非無英雄也。」毅曰：「所見惟草檄文，其母密窺之，泣曰：「吾以告裕，遂與定謀。」無忌夜草檄文，其母密窺之，泣曰：「吾

不及東海呂母明矣汝能如此吾復何恨裕托以遊獵與無忌收合徒眾召劉穆之署為主簿濟江眾推裕為盟主玄使弟謙擊裕憂懼特甚或曰裕等烏合微弱勢必無成何慮之深玄曰劉裕足為一世之雄劉毅家無擔石之儲擄一擲百萬何無忌酷似其舅共舉大事何謂無成○裕先領下邳太守呂母王莽時人子為縣吏宰以報讎無忌劉牢之甥家

三月劉裕及桓謙戰於覆舟山大破之桓玄出走至尋陽逼帝西上劉毅等率兵追之夏四月玄挾帝入江陵何無忌等及玄兵戰於桑落洲大破之玄挾帝東下五月劉毅等及桓玄戰於崢嶸洲大破之玄復挾帝入江陵寧州督護馮遷討玄誅之帝復位閏月桓振襲江陵陷之劉毅等進兵討之不克

冬十月盧循陷番禺徐道覆陷始興

義熙元年南燕主慕容超太上元年春正月劉毅等入江陵

桓振亡走謙奔秦蘇林其言其言王國其言其言

三月帝至建康

夏四月以劉裕都督十六州軍事出鎮京口○以盧循為

廣州刺史

時朝廷新定未暇征討以循為廣州徐道覆為始興相循遣使貢獻因遺劉裕益智裕報以續命湯○益智藥名以益智粽遺裕諷裕智窮宜益也續命湯成藥名裕以此遺循言循當誅絕今使為廣州是續其命也

丁三年燕王高雲正始元年○是歲慕容熙亡夏六月赫連勃

勃自稱大夏天王初魏王珪滅劉衛辰其子勃勃奔秦秦王興奇之使鎮朔方至是叛秦後陷長

晉安帝

安稱帝勃勃卒子昌立為魏所執平原王定立宋文帝元嘉八年吐谷渾滅之

戊申四年南嘉平元年春正月劉裕自為揚州刺史錄尚書事。

己酉五年魏太宗拓跋嗣永興元年燕王馮跋太平元年西秦更始元年夏四月劉裕伐南

燕六月及燕師戰於臨朐大破之遂圍廣固。

裕抗表伐南燕過大峴燕兵不出裕喜曰兵已過險士有必死之志餘糧棲敵入無匱乏之憂虜已入吾掌中矣南燕主超遣段暉等將步騎五萬屯臨朐裕縱兵奮擊大敗暉等乘勝逐北至廣固築長圍守之○餘糧棲敵謂燕人不艾除禾苗也

冬十月魏清河王紹弒其君珪齊王嗣討紹殺之而自立。

庚戌六年是歲南燕亡春二月劉裕拔廣固執南燕王超送建康

斬之。

盧循寇長沙南康廬陵豫章陷之劉裕引軍還。

初徐道覆聞裕北伐勸循襲建康循從之自始興寇長沙道覆寇南康廬陵豫章皆陷之道覆順流而下舟楫甚盛朝廷急徵裕裕引兵還

三月江荆都督何無忌討徐道覆戰敗死之。

與道覆遇於豫章賊令彊弩數百登山邀射乘風暴急以大艦逼之衆遂奔潰無忌厲聲曰取我蘇武節來節至執以督戰賊衆雲集遂握節而死諡曰忠肅

夏五月豫州都督劉毅及盧循戰於桑落洲敗績循進逼建康。

壬子八年西秦王乞伏熾磐永康元年北凉玄始元年夏四月以劉毅都督荆寧

秦雍軍事。

荆州刺史劉道規以疾求歸詔以毅代之毅剛復自謂功與劉裕埒雖權事推裕而心不服裕每柔而順之

秋九月太尉劉裕帥師襲荊州殺都督劉毅

癸丑九年夏鳳翔元年

甲寅十年魏神瑞元年是歲南涼亡

丙辰十二年秦主姚泓永和元年春三月太尉劉裕自加中外

大都督戒嚴伐秦

寧州獻琥珀枕於裕裕以琥珀治金瘡命碎之以賜北征將士以劉穆之領軍司總攝內外遂發建康穆之內總朝政外供軍旅目覽辭訟手答牋書耳行聽受口竝酬應不相參涉悉皆瞻舉裕至彭城王鎮惡檀道濟將軍入秦境所向皆捷遂克洛陽入之

丁巳十三年西涼公李歆嘉興元年是歲秦亡秋七月太尉劉裕至潼關遣

王鎮惡帥水軍自河入渭大破秦兵遂入長安秦主泓出降。

裕至潼關鎮惡入渭泓使姚丕守渭橋以拒之鎮惡泝渭而上乘蒙衝小艦行船者皆在艦內秦人但見艦進驚以為神至渭橋鎮惡令軍士食畢皆持仗登岸既登即密使人解舟艦渭水迅急倏忽不見乃喻士卒曰此為長安北門去家萬里舟楫衣糧皆已隨流今進戰而勝則功名俱顯不勝則骸骨不返無他岐矣乃身先士卒眾騰踴爭進大破丕軍泓遂出降送至建康斬之

冬十二月太尉劉裕東還留子義真都督雍梁秦州軍事

夏王勃勃遣兵向長安

戊午十四年夏昌武元年春正月王鎮惡沈田子帥師拒夏兵田

子矯殺鎮惡安西長史王脩討田子斬之參軍傅弘之擊

夏兵却之。

夏六月。太尉劉裕始受相國宋公九錫之命。

冬十月。劉義真殺其長史王脩。關中大亂。

十一月。夏王勃勃陷長安。義真逃歸。

冬十二月。劉裕弒帝於東堂。奉琅邪王德文即位。

恭皇帝諱德文。安帝弟。在位二年。

己元熙元年。夏真興元年。

庚申二年。宋高祖武帝劉裕永初元年。西秦文昭王乞伏熾

夏六月。宋王劉裕稱皇帝。廢帝為零陵王。明年弒之。

秘書監徐廣悲感流涕。侍中謝晦謂之曰。徐公得無小過。廣曰。君為宋朝佐命。身是晉室遺老。悲歡之事。固不

同可

秋八月。宋立子義符為皇太子。

通鑑要卷九

通鑑要

三編卷九

晉恭帝

十一

宋紀 姓劉氏 都建康 凡八君

通鑑肇要卷十

正編

雲閒 張景星二銘 同錄

姚培謙平山

同學沈大成學子參閱

宋紀

得年六十 附北朝魏

高祖武帝

諱裕 字德興 小字寄奴 漢高帝弟 楚元王交之後 在位三年

辛酉

宋永初二年 是歲西涼亡

冬十一月 宋豫章太守謝瞻卒

初宋臺始建 瞻為中書侍郎 其弟晦為右衛將軍 時晦權遇已重 自彭城還 都迎家 賓客輻輳 瞻驚駭 謂晦曰 汝名位未多 而人歸趣 乃爾 此豈門戶之福耶 乃以籬隔門庭 曰 吾不忍見此 及宋主即位 晦以佐命功 位任益重 瞻愈憂懼 臨終 遺晦書曰 吾得啓體 幸全 亦何所恨 弟思自勉 勵為國為家

壬戌宋永初三年夏五月宋主裕殂太子義符立。

少帝諱義符武帝長子在位一年

癸亥宋主義符景平元年冬十一月魏主嗣殂太子燾立。

太祖文帝諱義隆高祖第三子在位三十年

甲子元嘉元年魏太武帝燾始光元年夏五月宋徐羨之傅亮謝晦廢其

主義符為營陽王遷於吳六月弒之迎互都王義隆於江

陵秋八月義隆立。

義符居喪無禮遊戲無度羨之等召檀道濟王弘入朝謀廢之時義符出於華林園為列肆親自沽賣與左右即龍舟而寢道濟引兵入殺二侍者扶義符出收璽綬送故太子宮乃稱皇太后令數義符過惡廢為營陽王以互都王義隆纂承大統遷義符於吳弒之

乙丑二年夏主赫連昌承光元年

丙寅三年春正月宋討徐羨之傅亮殺之謝晦舉兵反江陵

宋主疾羨之亮欲誅二人并召檀道濟欲使討晦侍中王華等皆以為不可宋主曰道濟止於脇從本非創謀殺害之事又所不關預撫而使之必將無慮道濟至乃下詔暴羨之亮晦罪命道濟以時收翦羨之自經死亮出走被執伏誅晦聞徐傅等已誅奉表稱羨之亮等忠貞橫被冤酷皆王弘王曇首王華險躁猜忌讒構成禍今當舉兵以誅君側之惡宋主自將討晦殺之

三月宋以謝靈運為秘書監顏延之為中書侍郎。

宋主還建康既徵靈運延之用之又以慧琳道人善談論因與議朝廷大事遂參權要琳著高屐披貂裘置通呈書佐會稽孔顛曰遂有黑衣宰相可謂冠履失所矣通呈典謁之職書佐掌書翰

丁卯四年冬十一月晉徵士陶潛卒。

潛字淵明侃之曾孫也少有高趣博學不羣為彭澤令郡遣督郵至縣吏請束帶見之潛歎曰吾豈能為五斗米折腰向鄉里小兒即日解印綬去賦歸去來辭著五柳先生傳以自况徵著作郎不就妻翟氏亦與同志能安勤苦夫耕於前妻鋤於後潛自以先世晉輔不復肯仕是歲將復徵之會卒世號靖節先生○令俸每月米

戊辰五年○魏神麤元年○西秦王乞伏暮末承弘元年北涼承玄元年夏主赫連定勝光元年

己巳年冬十月魏以崔浩為撫軍大將軍

魏主嘗指浩以示高車渠帥曰此人尪纖懦弱不能彎弓持矛然其胸中所懷乃過於兵甲

庚午年春三月宋遣將軍到彥之等伐魏秋七月魏河南

諸軍退屯河北彥之等取河南

彥之自淮入泗沂河西魏主命悉眾北渡彥之雷朱修之守滑臺尹冲守虎牢杜驥守金墉諸軍進屯靈昌

津列守南岸至於潼關於是司寇既平諸軍皆喜王仲德獨有憂色曰諸賢不諳北土情偽必墮其計彼雖仁義不足而凶狡有餘今斂戍北歸必并力完聚若河冰既合將復南來豈可不以為憂乎

八月魏遣將軍安頡擊宋師冬十月宋到彥之保東平魏

攻宋金墉虎牢取之十一月宋遣將軍檀道濟伐魏彥之

棄軍走魏攻宋滑臺

道濟帥眾伐魏彥之聞洛陽虎牢不守乃引兵入濟南道濟至歷城叔孫建等縱輕騎邀其前後焚燒穀草道濟軍乏食不能進由是頡等得專力攻滑臺克之道濟等食盡引還魏人追之道濟夜唱籌量沙以所餘少米覆其上及旦魏軍見之謂資糧有餘不敢逼道濟全軍而還

辛未八年○燕王馮弘太興元年北涼義和元年○是歲秦夏皆亡

壬申九年○魏延和元年

癸酉十年。○北涼王沮渠牧犍永和元年。冬十一月。宋謝靈運有罪誅。

靈運好為山澤之遊。窮幽極險。從者數百人。伐木開徑。百姓驚擾。以為山賊。會稽太守孟顓表其有異志。靈運詣闕。自陳。宋主以為臨川內史。靈運遊放。自若。為有司所糾。遣使收之。靈運執使者。與兵逃。追討擒之。宋主愛其才。降死。徙廣州。或告靈運令人買兵器。結健兒。欲於三江口篡取之。詔於廣州棄市。靈運恃才放逸。多所陵忽。故及於禍。

乙亥十二年。○魏太延元年。

丙子十三年。○春三月。宋殺其司空檀道濟。

道濟立功前朝。威名甚重。朝廷疑畏之。收付廷尉。并其子植等十一人。誅之。道濟見收。憤怒。目光如炬。脫幘投地。曰。乃壞汝萬里長城。魏人聞之。喜曰。道濟死。吳子輩不足復憚。○魏人指宋人曰。吳子輩。

戊寅十五年。冬十一月。宋立四學。

宋主雅好藝文。使丹陽尹何尚之立玄學。太子率更令何承天立史學。司徒參軍謝元立文學。并處士雷次宗。儒學為四學。宋主性仁厚。恭儉。勤於為政。百官皆久於其職。四境晏安。戶口蕃息。士敦操尚。鄉恥輕薄。江左風俗。於斯為美。後之言政治者。皆稱元嘉焉。

己卯十六年。○春二月。宋以衡陽王義季都督荆湘等州軍事。

義季嘗春月出畝。有老父被苦而耕。左右斥之。老父曰。盤於遊畝。古人所戒。今陽和布氣。一日不耕。民失其時。奈何。以從禽之樂。而驅斥老農也。義季止馬。曰。賢者也。命賜之食。辭曰。大王不奪農時。則境內之民。皆飽。大王之食。老夫何敢獨受。大王之賜乎。義季問其名。不告而退。

庚辰十七年。○魏太平真君元年。

甲申二十一年。秋八月。魏主畋於河西。

魏主詔以肥馬給獵騎尚書令古弼雷守悉以弱馬給之魏主大怒欲還臺斬之弼官屬惶怖恐并坐誅弼曰吾為人臣不使人主盤於遊畋其罪小不備不虞之軍國之用其罪大今蠕蠕方強南寇未滅吾為國遠慮雖死何傷魏主聞之歎曰有臣如此國之寶也賜衣一襲他日復畋於山北獲麋鹿數千頭詔尚書發牛車五百乘以運之既而謂左右曰筆公必不與我汝輩不如自弼頭銳故魏主常以筆目之蠕蠕即柔然魏太武帝以其無知狀類動蟲故改其號曰蠕蠕

乙酉二十二年冬十二月宋太子詹事范曄謀反伏誅

初魯國孔熙先博學文史兼通數術為員外散騎侍郎憤憤不得志父默之為廣州刺史以賊獲罪彭城王義康救解得免及義康遷江州刺史熙先密懷報效且以為天文圖讖宋主必以非道晏駕禍由骨肉而江州應出天子以曄志意不滿欲引與同謀乃厚結曄甥太子中書舍人謝綜綜引熙先見曄熙先家饒於財數與曄博故為拙行以物輸之由是情好洽熙先乃從容說曄弒宋主立義康曄愕然熙先曰丈人雅譽過人讒夫側目久矣比肩競逐庸可遂乎今建大勳奉賢哲圖難於易以安易危豈可棄置而不取哉曄猶疑未決熙先曰又有過於此者愚則未敢道耳曄曰何謂也熙先曰文人奕葉清通而不得連姻帝室人以犬豕相遇而丈人曾不恥之欲為之死不亦惑乎曄門無內行故熙先以此激之曄默然不應反意乃決衡陽尹徐湛之及尼法靜皆義康黨竝與熙先往來法靜妹夫許曜領隊在臺許為內應熙先以牋書與義康陳說圖讖於是密相署置宋主燕武帳岡曄等謀以其日作亂曜扣刀目曄曄不敢發湛之恐事不濟密白其謀宋主乃命有司收付廷尉曄等皆伏誅因廢義康為庶人徙安成郡○曄曾祖汪祖審父泰皆有名行禁中為臺

丙戌二十三年春三月魏誅沙門毀佛書佛像

魏主與崔浩皆信重道士寇謙之奉其道浩素不信佛法魏主至長安入佛寺見大有兵器命有司按誅闔寺誅境內沙門焚毀經像詔諸寺佛像胡書皆擊破焚燒沙門無少長悉阬之

夏六月。宋伐林邑。尅之。

宗慤少時。叔父少文問其所志。答曰。願乘長風。破萬里浪。伐林邑。慤自奮願行。隨交州刺史檀和之。圍區粟城。為賊所敗。慤乃分軍為數道。偃旗潛進。攻拔區粟。象浦。林邑。王范陽邁傾國來逆。以具裝被象。前後無際。慤以為外國有獅子。威服百獸。乃製其形。與象相禦。象果驚奔。衆因此潰亂。遂尅林邑。

庚寅 二十一年 夏六月。魏殺其司徒崔浩。

浩自恃才略。及為魏主所寵任。專制朝權。中書侍郎高允曰。崔公其不免乎。魏主使浩允等共撰國記。曰。務從實錄。著作令史閔湛却標性巧佞。勸浩刊所撰國史於石。以彰直筆。浩竟刊石。北人無不忿恚。相與譖浩。以為暴揚國惡。魏主大怒。使有司按浩等。初遼東公崔黑子奉使并州。受布千疋。事覺。謀於允。允曰。公惟怪寵臣有罪。首實。庶或見原。不可重為欺罔。崔鑑謂曰。首實罪不可測。不如諱之。黑子怨允曰。君奈何誘人就死。遂不以實對。魏主殺之。魏主使允授太子經。及浩被收。太子召允謂曰。吾自導卿。至尊有問。但依吾語。太子入言。允

小心謹密。且制由浩。請赦其死。魏主問曰。國書皆浩所為乎。對曰。浩所領事多總裁而已。至於著述。臣多於浩。魏主怒曰。允罪甚於浩。何以得生。太子懼曰。天威嚴重。允小臣。迷亂失次耳。臣鄰問皆云。浩所為。魏主問信如東宮所言乎。對曰。臣罪當滅族。不敢虛妄。殿下哀臣。欲白其生耳。魏主顧謂太子曰。臨死不易辭信也。為臣不欺君。貞也。遂赦之。詔誅浩夷其族。他日太子讓允曰。吾欲為卿脫死。而卿終不從。激怒帝如此。每念之。使人心悸。允曰。臣與浩實同其事。死生榮辱。義無獨殊。違心苟免。非臣所願也。太子動容稱嘆。允退謂人曰。我不奉東宮指導者。恐負崔黑子故也。魏主既誅浩而悔之。

秋七月。宋人大舉侵魏。

宋主欲伐魏。徐湛之。江湛。王玄謨等竝勸之。沈慶之曰。治國譬如治家。耕當問奴。織當訪婢。陛下今欲伐國。而與白面書生輩謀之。事何由濟。宋主不從。七月。遣玄謨帥慶之等水軍入河。進圍滑臺。十月。魏主引兵救之。衆號百萬。玄謨懼。退走。魏人追擊之。死者萬餘人。

冬十二月魏主引兵南下進次瓜步。

魏主引兵至瓜步壞民廬舍及伐葦為筏聲言欲渡江建康震懼民皆荷擔而立內外戒嚴宋主登石頭城有憂色謂江湛曰檀道濟若在豈使胡馬至此

辛卯八年春正月魏師還過彭城宋人追之不及

宋主殺其弟義康

胡誕世及江夏王義恭等奏義康數有怨言搖動民聽故不逞之族因以生心宋主慮不逞之人復奉義康為亂乃遣中書舍人嚴龍殺之。不逞為惡者也

二月宋令民遭寇者蠲其稅調

魏人殺掠不可勝計所過郡縣赤地無餘春燕歸巢於林木自是邑里蕭條元嘉之政衰矣

壬辰宗濬興安元年魏高春二月魏中常侍宗愛弒其君燾

而立南安王余

冬十月魏宗愛弒其君余魏主濬立討愛誅之

癸巳年春二月宋太子劭弒其君義隆而自立

夏四月宋江州刺史武陵王駿舉兵討劭宋人立駿五月

劭伏誅

世祖孝武帝諱駿文帝第三子在位十一年

甲午世祖孝建元年魏興光元年

乙未二年魏太安元年

丙申年冬十二月宋金紫光祿大夫顏延之卒

延之子竣貴重凡所資供一無所受布衣茅屋蕭然如故嘗乘羸牛策車逢竣鹵簿即屏在道側常語竣曰吾

平生不喜見人，今不幸見汝，竣起宅，延之謂曰：善為之，無令後人笑汝拙也。延之嘗早詣竣，見賓客盈門，竣尚未起，延之怒曰：汝出糞土之中，升雲霞之上，遽驕傲如此，其能久乎？○笨布昆反，笨車竹輿也。出行儀衛曰簿鹵。

丁酉 大明元年

庚子 四年，魏和平元年

甲辰 夏閏五月，宋主駿殂，太子子業立。

前廢帝 諱子業，孝武帝長子，在位一年。

乙巳 廢帝景和元年，夏五月，魏主濬殂，太子弘立。

弘時年十二，馮太后稱制。

秋九月，宋聽民私鑄錢。

沈慶之建議宜聽民鑄錢，由是錢貨亂敗，千錢長不盈三寸，謂之鵝眼錢，劣於此者謂之緹環錢，貫之以縷，入水不沈，隨手破碎，斗米一萬，商貨不行。

冬十一月，宋主幽其諸父湘東王彧等於殿內。

子業畏忌諸父，恐其在外為患，皆拘於殿內，毆捶陵曳，無復人理。湘東王彧，建安王休仁，山陽王休祐，年長，尤惡之。

宋弒其君子業，而立湘東王彧。

民間訛言湘中出天子，子業將南巡荆湘二州，以厭之。先欲誅諸叔，然後發。湘東王彧與左右阮佃夫、王道隆、李道兒密結子業，左右壽寂之、姜產之等謀共廢子業。先是子業遊華林園，竹林堂，使宮人裸相逐，一人不從，命斬之。夜夢在竹林堂，有女子罵曰：悖虐不道，明年不及熟矣。戊午夜，子業於華林園竹林堂射鬼，寂之懷刀直入弒之，宣太皇太后令，數子業罪惡，命湘東王、纂承皇極。

太宗明帝諱彧文帝第十子在位七年

丙午泰始二年魏獻文帝弘天安元年

丁未三年魏皇興元年

辛亥七年魏孝文帝拓跋宏延興元年秋七月宋以蕭道成為散騎常侍

道成在軍中久民間或言其有異相宋主疑之徵為黃門侍郎道成懼不欲內遷而無計得雷參軍荀伯玉教其遣數十騎入魏境魏果遣遊騎行境上道成以聞宋主乃使道成復本任至是又徵道成所親以朝廷方誅大臣多勸勿行道成曰主上自以太子稚弱剪除諸弟何預他人今惟應速發不互見疑且骨肉相殘自非靈長之祚禍難將興方與卿等戮力耳既至拜散騎常侍

八月魏主弘傳位於太子宏自稱太上皇帝

魏主好黃老浮屠之學常有遺世之心乃傳位於宏時宏生五年有至性前年魏主病癱親吮之及是悲泣不

自勝魏主問其故對曰代親之感內切於心

壬子泰豫元年春二月宋殺其揚州刺史江安侯王景文

景文常以盛滿為憂屢辭位宋主不許至是慮晏駕後景文或有異圖遣使齎手敕並藥賜死景文正與客棋叩函自已復置局下神色不變局竟飲子納盃畢徐曰奉敕見賜以死方以敕示客乃作墨啓致謝飲藥而卒

夏四月宋主彧殂太子昱立

昱母陳氏嬖人李道兒妾明帝納之故人呼昱為李氏子昱亦自稱李將軍

後廢帝諱昱明帝長子在位五年

癸丑元徽元年

甲寅二年夏六月魏罷門房之誅

魏太上賞罰嚴明尤重刑罰大刑多令覆鞠或囚繫積年羣臣頗以為言太上曰滯獄誠非善治不猶愈於倉

粹而監乎夫人幽苦則思善故智者以囚圜為福堂朕特苦之欲其改悔而矜恕耳○門房謂一人有罪誅其

丙辰

四年○魏夏六月魏太后馮氏弒其主弘復稱制

順帝

諱準明帝第三子

丁巳

順帝昇明元年秋七月宋中領軍蕭道成弒其主昱

而立安成王準自為司空錄尚書事

宋主昱嘗直入領軍府道成畫臥裸袒昱令起立畫腹為的引滿將射之道成歛板曰老臣無罪乃更以能箭射中其臍投弓大笑道成憂懼密謀廢立命校尉王敬則陰結是左右楊玉夫楊萬年陳奉伯等使伺機便至是昱乘露車與左右於臺岡賭跳晚至新安寺偷狗飲酒醉還王夫萬年刎其首奉伯袖之稱敕開門入宮敬則手取白紗帽加道成首令即位曰事須及熱道成正色呵之褚淵曰非蕭公無以了此道成乃下議迎立安

成王遂以太后令數昱罪昱追廢為蒼梧王○髀箭骨鏃箭不能傷人

冬十一月宋中書監袁粲尚書令劉秉謀誅蕭道成不克而死

粲秉密謀誅道成將帥黃回卜伯興等皆與通謀時劉韞為領軍將軍入直門下省伯興為直閣回等諸將皆出屯新亭粲以謀告褚淵淵即以告道成道成遣軍士蘇烈薛淵等助粲守石頭淵曰不審公能保袁公為一家否道成曰所以遣卿正為能盡臨事○又我無西顧之憂耳又以王敬則為直閣與伯興共總禁兵粲謀矯太后令使韞伯興帥宿衛兵攻道成於朝堂回等帥所領為應秉等並赴石頭本期夜發秉恒擾不知所為晡後即束裝盡室奔石頭粲驚曰何事遽來今敗矣道成聞之使敬則殺韞及伯興蘇烈等據倉城拒粲遣戴僧靜助烈等攻粲秉踰城走粲下城謂其子最曰本知一木不能止大厦之崩但以名義至此僧靜踰城獨進最以身衛粲粲謂最曰我不失忠臣汝不失孝子遂父子俱死百姓哀之為之謠曰可憐石頭城寧為袁粲

死不作褚淵生，秉父子亦為追者。所殺回遂不敢發，道成尋殺之。

己未

三年齊太祖高帝蕭道成建元元年。是歲宋亡齊代。

春三月宋蕭道成自為

相國封齊公加九錫。夏四月道成自進爵為王。○齊王道

成稱皇帝廢宋主為汝陰王徙之丹陽。

尋弒之滅其族

宋主下詔禪位於齊而不肯臨軒王敬則勒兵入迎宋主收淚謂曰欲見殺乎敬則曰出居別宮耳官先取司馬家亦如此。宋主泣而彈指曰願後身世世勿復生。天王家是日侍中謝朓在直當解璽綬陽為不知曰有何公事傳詔云解璽綬授齊王。朓曰齊自應有侍中乃引枕臥傳詔懼使朓稱疾。朓曰我無疾何所道遂朝服步出乃以王儉為侍中解璽綬禮畢宋主出就東邸光祿大夫王琨在晉世已為郎中至是攀車慟哭曰人以壽為權老臣以壽為戚既不能先驅螻蟻乃復頓見此事。嗚咽不自勝百官兩泣司空褚淵等奉璽綬詣齊宮勸進。淵從弟焯謂淵子賁曰不知汝家司空將一家物與一家亦復何謂齊王即皇帝位以淵為司徒。賀者滿座。

焯歎曰彥回少立名行何意披猖至此。門戶不幸乃復有今日之拜使彥回作中書郎而死不當為一名士耶。名德不昌乃復有期願之壽。淵固辭不拜。世子賁請殺朓。齊主曰殺之遂成其名。正應容之度外耳。○天子曰

官家

齊紀

姓蕭氏都建康凡七君得年二十有四。○附北朝魏

太祖高帝

諱道成字紹伯漢蕭何後在位四年

庚申

二年冬十二月齊以褚淵為司徒。

淵入朝以腰扇障日征虜功曹劉祥曰作如此舉止羞面見人扇障何益。淵曰寒士不遜祥曰不能殺袁劉安得免寒士。○袁袁粲劉劉秉

壬戌

四年春三月齊主道成殂太子賾立。

齊主沈深有大量博學能文性清儉主衣中有玉導曰雷此正長病源即命擊碎。每日使我治天下十年當使

黃金與土同價。○主衣車中也。導笄屬以玉為之，猶冠簪也。

秋。魏以李崇為荊州刺史。

魏以荊州巴氏擾亂，以崇為刺史，發兵送之。崇辭曰：邊人失和，本怨刺史，今奉詔代之，自然安靖，不煩發兵。自防使之懷懼也。遂輕將數十騎，馳至上洛，宣詔慰諭。民夷帖然。徙兖州刺史，兖土舊多劫盜，崇命村置一樓，樓皆懸鼓，盜發之處，亂擊之。旁村始聞者，以一擊為節，不二次，二俄頃之間，聲布百里，皆發人守險，由是盜無不獲，諸州皆效之。

世祖武帝諱曠，字宜遠，高帝太子，在位十一年。

癸亥武帝永明元年。

甲子二年春正月，齊以竟陵王子良為司徒。

子良，齊主之子也。少有清尚，傾意賓客，開西邸，多聚古器服，以充之。范雲、蕭琛任防，王融、蕭衍、謝朓、沈約、陸

休源亦預焉。衍好籌略，有文武才幹。王儉深器之，曰：蕭即出三十，貴不可言。

冬十月，齊以長沙王晃為中書監。

初，太祖臨終，以晃屬齊主，使處輦下，近藩勿令遠出。且曰：宋氏若非骨肉相殘，他族豈得乘其弊？汝深誠之，舊制諸王在都，唯得置捉刀四十人，至是晃自南徐刺史罷還，私載數百人，仗齊主聞之大怒，將糾以法。豫章王嶷叩頭流涕曰：晃罪誠不足宥，陛下當憶先朝，齊主垂泣而罷，然終不被親寵。武陵王曄亦無寵，嘗侍宴，醉伏地，貂抄肉，梓帝笑曰：肉汗貂對曰：陛下愛羽毛而疎骨肉，帝不悅。○是太祖子捉執也。捉刀，執刀戟為儀仗之人，侍中中常侍冠以貂尾為飾，抄略拂過也。梓與槩通。

乙丑三年夏五月，齊以王儉領國子祭酒。

自宋世祖好文，章士大夫無專經者，儉少好禮學，及春秋言論，遣次必於儒者，由是衣冠翕然，更尚儒術。儉當

朝理事斷決如流十日一還學監試諸生作解散髻斜插簪朝野多慕效之儉嘗謂人曰江左風流宰相唯有謝安意以自比也齊主深委仗之士流選用奏無不可

冬十月魏詔均田

給事中李安世上言田業多為豪右所占奪雖桑井難復互更均量使力業相稱又所爭之田互限年斷事久難明悉歸今主魏主善之由是始議均田詔諸男夫十五以上受露田四十畝婦人二十畝奴婢依良丁牛一頭受田三十畝限止四牛所授之田率倍之三易之田再倍之諸宰民之官各隨近給田有差更代相付○露田不栽樹者良丁謂良人成丁者不易之地歲歲可種是為上田一易之地兩歲一種是為中田再易之地三歲一種是為下田

己巳年冬十二月齊以江數為都官尚書

中書舍人紀僧真得幸於齊主請曰臣出自武吏陞榮至此無復所須惟就陛下乞作士大夫齊主曰此由江

數謝淪可自詣之僧真請數登榻坐定數顧左右曰移吾牀遠客僧真喪氣而退告齊主曰士大夫故非天子命所

壬申年冬齊詔太子家令沈約撰宋書

約撰宋書疑立袁粲傳齊主曰粲自是宋室忠臣約多載宋世祖太宗諸鄙瀆事齊主曰孝武事迹不容頓爾我昔經事明帝卿可思諱惡之義故多所刪除

癸酉年春正月齊以陳顯達為江州刺史

顯達自以門寒位重常有愧懼之色戒其子勿以富貴陵人而諸子多事豪侈顯達曰麈尾蠅拂是王謝家物汝不須捉此取而燒之

秋七月齊主賸殂太孫昭業立

廢帝鬱林王諱昭業太子長懋長子在位一年

廢帝鬱林王
諱昭業太子長懋
長子在位一年

八月。以竟陵王子良為太傅。蕭鸞為尚書令。

中書郎王融自恃人地三十內望為公輔嘗夜直省中撫案歎曰為爾寂寂鄧禹笑人行逢朱雀桁開喧湫不得進。趙車壁歎曰車前無八騶何得稱丈夫。子良愛其文學特親厚之。齊主疾亟無八騶何得稱丈夫。子良愛其子良詔草已立會太孫來融戎服絳衫於中書省閣口斷其仗不得進頃之齊主復蘇召太孫入以朝事委西昌侯鸞而殂融以子良兵禁諸門鸞排之而入奉太孫登殿命左右扶出子良融知不遂釋服還省歎曰公誤我矣太孫立十餘日收融賜死子良尋以憂卒。

冬十月。魏營洛都。

甲戌昭業隆昌元年昭文延興元年鸞建武元年秋七月。齊蕭鸞弒其君昭業。

而立新安王昭文。自為驃騎大將軍。錄尚書事。封宣城公。

以太后令追廢昭業為鬱林王。

廢帝海陵恭王

諱昭文太子長懋第二子在位四月

冬十月。齊宣城公鸞自為太傅揚州牧。進爵為王。

齊宣城王鸞廢其主昭文為海陵王而自立。

尋弒之

高宗明帝

名鸞高帝兄道生子在位五年

乙亥建武二年夏六月。魏求遺書。

魏主好讀書手不釋卷在輿據鞍不忘講道又好賢樂善所與遊接常寄以布素之意制禮作樂鬱然可觀有太平之風焉

丙子三年春正月。魏改姓元氏。

魏主下詔以為北人謂土為拓后為跋魏之先出於黃帝以土德王故為拓跋氏夫土者黃中之色萬物之元也。互改姓元氏。

戊寅永泰元年秋七月齊主鸞殂太子寶卷立。

寶卷即位惡靈極在大極殿欲速葬徐孝嗣固爭得踰月每當哭輒云喉痛太中大夫羊闡入臨無髮俯仰憤脫寶卷輟哭大笑曰禿鷲啼來乎禿鷲以闡頭禿而頸長也

廢帝東昏侯諱寶卷明帝第二子在位二年

齊主自在東宮嬉戲無度及即位不與朝士相接專親信宦官左右是時揚州刺史始安王遙光尚書令徐孝嗣右僕射江祐右將軍蕭坦之侍中江祀衛尉劉暄更直內省所謂六貴又有御刀茹法珍梅蟲兒豐通等八人號為八要蕭衍曰政出多門亂其階矣乃密修武備招聚驍勇以萬數

己卯寶卷永元元年夏四月魏主宏殂太子恪立。

庚辰二年魏宣武元年秋八月齊後宮火。

時嬖倖之徒皆號為鬼有趙鬼者能讀西京賦言於齊主曰柏梁既災建章是營齊主乃大起芳樂玉壽等諸

殿以壽塗壁刻畫裝飾窮極綺麗後宮服御極選珍奇鑿金為蓮花以帖地令潘妃行其上曰此步步生蓮花也○漢武太初元年柏梁臺災遂作建章宮

冬十月齊主殺其尚書令蕭懿。

時懿為尚書令弟暢為衛尉掌管籥時齊主出入無度或勸懿因其出門舉兵廢之懿不聽嬖臣茹法珍等憚懿說齊主曰懿將行隆昌故事齊主然之賜懿藥於省中懿且死曰家弟在雍深為朝廷憂之

十一月齊雍州刺史蕭衍起兵襄陽行荆州事蕭穎胄亦

以南康王寶融起兵江陵。

衍聞懿死集僚佐謂曰昏主暴虐當與卿等共除之時寶融為荆州刺史穎胄行府州事齊主遣將軍劉山陽就穎胄兵襲襄陽行知其謀遣將軍王天虎詣江陵徧與州府書聲云山陽西土并襲荆雍穎胄大懼夜呼參軍席闡文柳忱定議闡文曰蕭雍州蓄養士馬非復一日今若殺山陽與雍州舉事立天子以令諸侯則霸業

成矣。穎胃從其計，伏兵斬山陽，乃以寶融教纂嚴，以衍都督前鋒。穎胃都督行雷諸軍事，移檄建康州郡，數齊主及梅蟲兒等罪惡。○雍州，今襄陽府，纂嚴集兵嚴也。

和帝諱寶融，明帝第八子，在位一年。

辛巳寶融中興元年春正月，齊南康王寶融稱相國，蕭衍發襄陽。

三月，齊相國南康王寶融廢其君寶卷為涪陵王，而自立。

卽位。冬十月，齊蕭衍圍建康。○十二月，齊人弒涪陵王寶

卷，蕭衍入建康，以太后令追廢寶卷為東昏侯，自為大司馬承制。

梁紀姓蕭氏，齊之疎族，都建康，凡四君，得年五十有四。○附魏。

高祖武帝諱衍，字叔達，在位四十八年。

壬午天監元年春二月，衍自為相國，封梁公，加九錫。

初，衍與范雲、沈約、任昉同在竟陵王西邸，至是引雲為諮議，約為司馬，昉為記室，參謀議。衍內有受禪之志，約曰：「齊祚已終，明公當承其運。」行然之，召雲等告之。雲對略同，約旨行曰：「卿明早將休文更來，雲出語約曰：『卿必待我雲許諾而約先期入，衍命草具其事，約乃出懷中詔書，有頃，衍召雲入曰：『我起兵三年，諸將不為無功，然成帝業者，卿二人也。』乃詔進衍位相國，封梁公。衍以約為僕射，雲為侍中。○約字休文。」

梁公衍自進爵為王。

夏四月，梁王衍稱皇帝，廢齊主為巴陵王。尋弒之。

癸未二年冬十月，梁吉盼請代父死，梁主赦之。

盼父為令，為姦吏所誣，罪當死。盼年十五，乞代父命。梁主疑人教之，使廷尉卿蔡法度訊之。盼曰：「囚雖愚幼，豈不知死之可憚，顧不忍見父極刑，故求代之。法度以聞，乃宥其父罪，丹陽尹王志欲舉充純孝，盼曰：『異哉！王尹』」

何量粉之薄乎，父辱子死，道固當然，若粉當此舉，乃是因父取名，何辱如之，固拒而止。

甲申 三年，魏正始元年。

丁亥 六年，冬十月，梁以徐勉為吏部尚書。

勉嘗與門人夜集，客求官，勉正色曰：「今夕止可談風月，不可及公事。」

戊子 七年，魏永平元年。

壬辰 十一年，魏延昌元年。

乙未 十四年，春正月，魏主恪殂，太子詡立。

丙申 十五年，魏明帝詡熙平元年。

丁酉 十六年，夏四月，梁罷宗廟牲牢，薦以蔬果。

詔宗廟牲牢皆以麴為之，於是朝野喧譁，以為宗廟去牲，乃是不復血食，梁主竟不從。

戊戌 十七年，魏神龜元年。

己亥 十八年，春二月，魏以崔亮為吏部尚書。

立停年格。

時官員既少，應選者多，亮為格制，不問士之賢愚，專以停解日月為斷，洛陽令薛琡上書曰：「黎元之命繫於長吏，若選曹唯取年勞，不簡賢否，執簿呼名，一吏足矣，數人而用，何謂銓衡書奏不報，魏之選舉失人，自亮始。」

銓衡，量度人物而為之平也。

庚子 魏正光元年。

乙巳 六年，魏孝昌元年。

丁未 大通元年。

戊申 二年，魏武泰元年，春正月，魏太后胡氏進毒弒其

主詔而立臨洮王世子釗。三月，魏車騎將軍六州大都督爾朱榮舉兵晉陽。夏四月，至河陽，立長樂王子攸，而沈太后胡氏及幼主釗於河，殺王公以下二千人。自為都督中外諸軍事，封大原王。遂入洛陽，北海王顥出奔梁。五月，爾朱榮還晉陽。

冬十月，梁立元顥為魏王，遣將軍陳慶之將兵納之。

己酉中大通元年夏四月，魏王顥拔榮城稱皇帝。○五月，魏主

子攸奔河內。顥入洛陽，以陳慶之為車騎大將軍。○閏六

月，魏爾朱榮渡河，魏王顥走死，陳慶之走歸梁。魏主子攸

歸洛陽，榮自為天柱大將軍。

秋九月，梁主捨身於同泰寺。

梁主幸同泰寺，設大會，釋御服，持法衣，行清淨大捨，素

林瓦器，親為四眾講涅槃經，羣臣以錢一億萬奉贖，表

請還宮，三請乃許。○四眾比邱比邱尼，優婆塞，優婆夷也。

庚戌二年秋九月，魏爾朱榮伏誅。

榮雖居外藩，遙制朝政，魏主恒怏怏不樂，城陽王徽侍

中李或勸魏主除榮，魏主疑未定而謀頗泄，爾朱世隆

疑有變，乃為匿名書云：天子欲殺天柱，取以白榮，榮恃

強，不以為意。九月，至洛陽，魏主伏兵斬之。世隆帥榮部

曲走屯河陰。

魏僕射爾朱世隆反，與汾州刺史爾朱兆立長廣王曄於長子。冬十二月，入洛陽，遷其主子攸於晉陽而弑之。長子縣今

屬山西潞安府。

通鑑摘要

正編卷十 南北朝

十八

魏紇豆陵步蕃大破爾朱兆於秀容。兆及晉州刺史高歡擊殺之。兆使歡統六鎮。

慕容紹宗諫曰：高公雄才蓋世，復使握大兵於外，譬如借蛟龍以雲雨，將不可制矣。兆曰：有香火重誓，何慮邪？紹宗曰：親兄弟尚不可信，何論香火？時兆左右已受歡金，因稱紹宗與歡有隙，兆怒囚紹宗。趣歡發，歡道逢爾朱榮妻北鄉長公主自洛陽來，有馬三百匹，盡奪之。兆聞之，乃釋紹宗。

辛亥三年。魏節閔帝恭普泰元年。朗中興元年。春二月。魏樂平王爾朱世隆廢其主曄而立廣陵王恭。

尋討曄為東海王。後魏主脩弒之。

夏四月。梁太子統卒。

梁主使統省萬機，辨析謬誤，徐令改正，未嘗彈糾一人。平斷法獄，多所全宥，好讀書，屬文，引接才俊，不蓄聲樂。

天性孝謹，在東宮坐起恒西向，母丁貴嬪卒，水漿不入口，腰帶十圍，減削過半，及寢疾，恐貽梁主憂，救參問，輒自力，手書啓及卒，朝野惋愕，諡曰昭明。

魏冀州刺史高歡起兵討爾朱氏。

冬十一月。魏高歡立渤海太守元朗自為丞相，敗爾朱兆等軍於廣阿。

壬子四年。魏武帝春三月。魏主朗入居於鄴。夏四月。高歡入洛陽，廢其主恭及朗，而立平陽王修自為大丞相。魏

修尋弒恭及朗。

秋七月。魏大丞相高歡討爾朱兆，走之。遂據晉陽。

兆走秀容，歡襲之。

甲寅六年。○東魏孝靜帝善見。見秋七月。魏主脩奔長安。高

歡入洛陽。推清和王亶承制決事。魏主以宇文泰為大將

軍尚書令。尋進大丞相。

王思政言於魏主曰。歡之心昭然可知。洛陽非用武之地。泰乃心王室。今往就之。還復舊京。何慮不克。魏主遂

入長安。歡乃立清河王世子善見於洛陽。是為東魏。尋遷於鄴。

冬。閏十二月。魏大丞相泰進毒弒其君脩。

乙卯大同元年。○魏文帝寶炬大統元年。春正月朔。魏大丞相泰立南陽王

寶炬。

冬十一月。東魏封高洋為太原公。

洋歡之子也。歡謂長史薛琠曰。此兒識慮過吾幼時。歡嘗欲觀諸子意識。使各治亂絲。洋獨抽刀斬之。曰。亂者

斬必

丙辰二年。春三月。梁處士陶弘景卒。

弘景博學好養生。仕齊為奉朝請。棄官隱居茅山。梁主屢以手敕招之。弘景不出。國家每有大議。必先諮之。時

人謂之山中宰相。

戊午四年。○東魏元象元年。

己未五年。○東魏興和元年。

辛酉七年。秋九月。魏省官員。置屯田。頒六條。

宇文泰欲革時政。為疆國富民之法。度支尚書蘇綽贊成其事。減官員。置二長。并置屯田。以資軍國。又為六條

詔書。一曰清心。二曰敦教化。三曰盡地利。四曰擢賢良。五曰恤獄訟。六曰均賦役。泰常置諸坐右。令百司習誦之。

壬戌八年。秋八月。東魏以侯景為河南大行臺。

癸亥九年。○東魏武定元年。

乙丑年十一月。冬。梁散騎常侍賀琛上書論事。

琛啓陳四事。一曰牧守貪殘。二曰風俗侈靡。三曰斗筲競進。四曰省事息費。梁主詰責琛謝過不敢復言。梁主勤於政務。冬。月視事。執筆觸寒。手為皴裂。自天監中。用釋氏法。長齋一食。惟菜羹糲飯而已。身衣布衣。木綿皂帳。一冠三載。一衾二年。雖居暗室。恒理衣冠。小坐盛暑。未嘗褰袒。對內監小臣。如遇大賓。然優假士人。太過。牧守多侵漁百姓。又好親任小人。頗傷苛察。多造塔廟。公私費損。年終。人持佛戒。每斷重罪。則終日不懌。或謀反逆事。覺亦泣而宥之。由是王侯益橫。或白晝殺人。暮夜剽掠。梁主深知其弊。而溺於慈愛。不能禁也。

丙寅中大同元年。

丁卯太清元年。春正月。東魏大丞相渤海王高歡卒。

歡病篤。謂子澄曰。侯景專制河南。十四年矣。常有飛揚跋扈之志。顧我能畜養。非汝所能駕御也。堪敵景者。唯

有慕容紹宗。我故不貴之。畱以遺汝。○紹宗太原王恪之後也。

東魏大行臺侯景以河南降魏。

景右足偏短。弓馬非其長。而多謀算。嘗言於高歡。願得兵三萬。橫行天下。要須濟江。縛取蕭衍老公。以為太平寺主。歡使將兵十萬。專制河南。景素輕高澄。嘗曰。高王在。吾不敢有異。王沒。吾不能與鮮卑小兒共事矣。及歡卒。遂以河南降魏。魏以景為太傅大行臺。○鮮卑。東胡種名。景以喻高洋。

二月。侯景復以河南叛。附於梁。梁封景為河南王。遣兵援之。

景請舉河南十三州。內附。梁主召羣臣廷議。僕射謝舉等曰。頃與魏和。邊境無事。今納其叛臣。非宜。梁主曰。得景則塞北可清。機會難得。然意猶未決。嘗獨言我國家如金甌。無一傷缺。今忽受景地。詎是事宜。脫致紛紜。悔之何及。中領軍朱異勸納之。乃以景為大將軍。封河南王。平西諮議周弘正聞。納景曰。亂階在此矣。

秋七月。梁遣貞陽侯淵明督諸將侵東魏。

東魏慕容紹宗
擊敗之獲淵明

東魏大將軍澄入鄴幽其主於宮中。

戊辰年春正月東魏慕容紹宗擊侯景景眾潰走襲據壽

春梁以為南豫州牧

光祿大夫蕭介諫曰侯景以凶狡之才荷高歡卯翼之
遇歡墳土未乾即還反噬之力不逮乃復逃死關西宇
文不容故復投身於我陛下前者所以受之正欲比屬
國降胡冀獲一戰之效耳今既亡師失地直是境上之
匹夫陛下愛匹夫而棄與國臣竊不取若猶待其歲暮
之效則彼棄鄉國如脫屣背君親如遺芥豈知遠慕聖
德為江淮之純臣
平梁主不能用

二月東魏求成於梁秋八月侯景反壽陽

高澄遣書求好於梁朱异等皆以為便司農卿傅岐獨
曰此澄設間欲合侯景自疑而作亂耳若許通好正墮

其計异等固執互和梁主許之使還過壽陽景知之構
問具服乃詐為鄴中書求以淵明易景梁主復書曰貞
陽且至侯景夕還景謂左右曰我固知吳老公薄心腸
於是始為反計景知臨賀王正德屢以貪暴得罪陰養
死士幸國家有變遣徐思玉致牋自效正德大喜景遂
反於壽陽以誅朱异等為名异等皆以姦佞驕貪蔽主
弄權為時人所疾故景託以興兵梁主詔邵陵王綸督
眾軍以討景正德引景兵以渡江圍臺城乘勝至闕下
正德即位以景為丞相
正德臨川靖惠王第三子

己巳年春三月侯景陷梁臺城自稱大都督錄尚書事廢

蕭正德以為大司馬尋弑之

景攻臺城陷之梁主安臥不動歎曰自我得之自我失
之亦復何恨景入見於太極東堂以甲士自衛稽顙殿
下典儀引就三公榻梁主神色不變問曰卿在軍中日
久無乃為勞景不敢仰視汗流被面退曰吾嘗跨鞍對
陳矢石交下而意氣安緩了無怖心今見蕭公
使人自惜豈非天威難犯吾不可以再見之

夏五月。梁主行殂。太子綱立。

梁主為侯景所制。飲膳亦為所裁。節憂憤成疾。口苦索蜜不得。再曰。荷荷。遂殂。太子即位。○荷荷。猶云呵呵。怨怒聲也。

秋七月。盜殺東魏大將軍渤海王高澄於鄴。

澄以其弟太原公洋次長。忌之。洋深自晦。匿澄獲衡州刺史蘭欽子京。以為膳奴。京屢自訴。澄杖之曰。更許當殺汝。京與其黨謀作亂。進食置刀盤下。殺之。洋聞之神色不變。入討羣賊。斬而燔之。秘不發喪。勲貴以重兵皆在并州。勸洋早如晉陽。洋從之。乃入謁東魏主。從甲士八千人。登階者二百餘人。皆攘袂扣刀。若對嚴敵。令主者傳奏曰。臣有家事。須詣晉陽。再拜而出。東魏主失色。目送之曰。此人又似不相容。朕不知死在何日。晉陽舊臣宿將。素輕洋。及至。大會文武。神彩英暢。言辭敏洽。眾皆大驚。○主者。王朝儀者也。

冬十二月。梁始興太守陳霸先起兵討侯景。

太宗簡文帝

諱綱。武帝第三子。昭明太子母弟也。在位二年。

庚午

大寶元年。○齊文宣帝高洋天保元年。○是歲東魏亡。齊代。

春正月。東魏高洋自

為丞相。都督中外諸軍。錄尚書事。封齊王。

夏五月。齊王洋稱皇帝。廢東魏主為中山王。

後弒之。

魏立蕭詧為梁王。

詧。武帝孫。昭明太子統之第三子也。

秋九月。侯景自稱漢王。

又自加宇宙大將軍。都督六合諸軍事。梁主驚曰。將軍乃有宇宙之號乎。

冬十月。魏初作府兵。

宇文泰。秦籍民之才力者。為府兵。身租庸調。一切蠲之。以農隙。講閱戰陳。馬蓄糧備。六家供之。合為百府。每府一。郎將主之。分屬二十四軍。凡十二大將軍。每大將軍各統開府二人。開府各領一軍。○唐書有田則有租。有身

則有庸有戶則有調

辛未二年春三月魏主寶炬殂太子欽立秋八月侯景廢梁

主綱殺太子大器而立豫章王棟棟昭明太子孫豫章王歡子

冬十月侯景弒梁主綱廢梁主棟自稱漢帝棟尋為湘東王繹所殺

世祖孝元帝諱繹武帝第七子在位三年

壬申承聖元年魏主欽元年春二月梁湘東王繹遣王僧辯陳霸先

討侯景

夏四月梁武陵王紀稱帝於成都紀高祖第八子僭號於蜀改年天正

侯景伏誅

景敗走吳將入海將軍羊侃之子鴟為景都督殺之送尸建康傳首江陵截其手送於齊暴景尸於市上民爭

取食之并骨皆盡

冬十一月梁主繹立即位江陵

癸酉二年春三月梁武陵王紀伐江陵魏遣大將軍尉遲迴

伐成都以救之

武陵王紀帥諸軍東下梁主甚懼與魏書請救宇文泰曰取蜀制梁在此一舉乃遣迴自散關伐蜀紀還兵至西陵與魏師相拒兵

敗被殺成都降魏

甲戌三年魏恭帝廢元年春正月魏宇文泰廢其主欽而立齊王

廓復姓拓拔氏泰尋弒欽

三月齊主殺其尚書左丞盧斐李庶

齊中書令魏收撰魏書頗用愛憎為褒貶每謂人曰何物小子敢與魏收作色舉之則升天按之則入地既成

斐庶皆言其誣罔不直收啓齊主云臣既結怨強宗將
為刺客所殺齊主怒於是斐庶皆坐謗史繫獄死然時
人終不服謂之穢史

冬十月魏遣柱國于謹帥師伐梁十一月入江陵十二月
執梁主繹殺之

謹至樊鄧梁王詒帥眾會之梁主尚講老子百官戎服
以聽魏軍至柵下築長圍梁主巡城猶口占為詩羣臣
亦有和者城陷梁主乃焚古今圖書十四萬卷歎曰文
武之道今夜盡矣或問何意焚書梁主曰讀書萬卷猶
有今日故焚之○
樊城名鄧州名

魏取襄陽徙梁王詒使稱帝於江陵屯兵守之

初魏師未還詒將尹德毅說詒曰魏之精銳盡萃於此
若殿下為設享會預伏武士因而斃之收江陵百姓撫
而安之王僧辯之徒折簡可致然後朝服濟江入踐皇
極暑刻之間大功可立願殿下勿懷匹夫之行詒曰卿

此策非不善也然魏人待我厚若邊為此人將不食
吾餘至是闔城繫虜又失襄陽乃恨不用德毅之言

梁王僧辯陳霸先奉晉安王方智承制

敬帝 諱方智元帝弟
九子在位二年

乙亥 紹泰元年○後梁宣
帝蕭詧天定元年 春正月梁王詒始稱帝 是為後
梁稱臣

於魏傳蕭琮二主至陳後
主禎明元年為隋所滅

齊遣梁貞陽侯淵明還梁稱帝以兵納之

二月梁王方智立 自尋陽入建
康即梁王位

夏五月梁王僧辯奉淵明歸建康以梁王方智為太子秋

九月梁陳霸先殺王僧辯廢淵明冬十月復立方智稱藩

於齊 淵明
卒

丙子太平元年春正月魏初建六官以宇文泰為大冢宰。

初泰以漢魏官繁命蘇綽及尚書令盧辯依周禮定六官至是行之

夏六月齊大治宮室。

齊主嗜酒淫佚肆行狂暴典御丞李集面諫比之桀紂齊主令縛置流中久之引出謂曰吾何如桀紂集曰彌不及矣又令沈之引出更問如此數四集對如初齊主大笑曰天下有如此癡人方知龍逢比干未是俊物遂釋之頃之入見似有所諫竟斬之

冬十月魏太師大冢宰安定公宇文泰卒世子覺嗣。

泰性質素明達政事崇儒好古凡所施設皆依倣三代而為之

十二月魏太師覺自為周公。

通鑑肇要卷十

通鑑肇要卷十一 正編

雲閒 姚培謙平山 同錄

張景星二銘

同學陸 錦閣亭參閱

陳紀姓陳氏漢陳寔後都建康凡五主得年三十有二○附周齊

高祖武帝諱霸先字興國在位三年

丁丑二年○陳永定元年○周愍帝宇文覺元年○是歲西魏亡周代春正月魏周

公覺稱天王廢魏主為宋公中山公宇文護自為大司馬

護尋弒宋公稱冢宰

秋九月梁丞相霸先自為相國封陳公○周冢宰護弒其

君覺立寧都公毓

覺庶兄

冬十月梁陳公霸先進爵為王遂稱皇帝廢梁主為江陰

王尋弒之

己卯三年○周武成元年

夏六月周主賜處士韋夔號逍遙公

夔孝寬之兄也志尚夷簡魏周之際十徵不屈太祖重之不奪其志周主禮敬尤厚號曰逍遙公

陳主霸先殂兄子臨川王蒨立

齊主滅元氏之族

齊主盡誅諸元前後死者凡七百二十人定襄令元景安欲請改姓高氏其從兄景皓曰安有棄其本宗而從人之姓者乎丈夫寧可玉碎何能瓦全景安以其言白齊主齊主誅景皓賜景安姓高氏

秋八月周主始稱皇帝四日齊主斯新立於太子自稱

冬十月齊主洋殂太子殷立

世祖文帝諱蒨武帝兄始興王長子在位七年

庚辰天嘉元年○齊主殷乾明元年昭帝演皇建元年夏四月周冢宰護進毒弒

其君毓毓弟魯公邕立

秋八月齊常山王演廢其主殷為濟南王而自立

未幾弒之

冬十二月齊以王晞為侍郎不受

齊主欲以晞為侍郎晞辭不受或勸之晞曰我少年以來閱要人多矣得志少時鮮不顛覆且吾性實疎緩不堪時務人主恩私何繇可保萬一披猖求退無地非不好作要官但思之爛熟耳

辛巳二年○周武帝邕保定元年齊武成帝湛太寧元年

冬十一月齊主演殂弟長廣王湛立。

壬午三年齊河清元年後梁歸天保元年。

癸未四年夏四月周主養老於大學。

周主將視學以太傅燕國公于謹為三老仍賜以延年杖遂幸太學謹入門周主迎拜謹答拜有司設席於中搃太師護設几謹升席南面馮几而坐大司馬豆盧寧正為周主立於斧展之前西面有司進饌周主跪設醬豆祖割謹食畢周主跪授爵以醕有司徹周主北面立而訪道謹起立於席後對曰木受繩則正后從諫則聖明王虛心納諫以知得失又曰有有功必賞有罪必罰則不可去願陛下守信勿失又曰言行者立身之基願陛下為善者日進為惡者日止又曰言行者立身之基願陛下三思而言九慮而行周主再拜受言謹答拜禮成而退醕羊進切酒

乙酉六年齊後主夏四月齊主湛傳位於太子緯自稱

太上皇帝。

丙戌天康元年夏四月陳主蒨殂太子伯宗立。

陳主起自艱難知民疾苦資用務從儉約夜內刺聞取外事分判者前後相續每雞人伺漏傳更籤於殿中勅送者必投籤於階石之上令鎗然有聲云吾雖眠亦令驚覺以錐畫物曰刺閨宮中小門也就閨中刺取外事故曰刺閨

廢帝臨海王諱伯宗文帝嫡長子在位二年

丁亥光大元年

戊子二年冬十一月陳安成王頊廢其主伯宗為臨海王。

高宗宣帝諱頊始興王第二子在位十四年

己丑大建元年春正月陳主頊立。

庚寅二年。齊武平元年。壬辰四年。周建德元年。春三月。周主討其太師宇文護。殺之。周主親政。

楊素以其父敷守節陷齊。未蒙朝命。申理再三。周主大怒。命斬之。素大言曰。臣事無道天子。死其分也。周主壯其言。贈敷大將軍。諡曰忠壯。拜素為車騎大將軍。儀同三司。漸見禮遇。命素為詔書。下筆立成。詞義兼美。周主曰。勉之。勿憂不富貴。素應聲答曰。臣但恐富貴來逼臣。臣無心圖富貴。

甲午年。夏五月。周廢佛道教。毀淫祠。初。周主定三教先後。以儒為先。至是禁佛道二教。經像悉毀。沙門道士盡還俗。諸淫祠非祀典所載者。悉除之。乙未年。春三月。周使閔府儀同三司伊婁謙如齊。齊人留之。

齊主盛脩宮苑。窮極壯麗。好自彈琵琶。為無愁之曲。民間謂之無愁天子。於華林園立貧兒村。自衣藍縷之服。行乞其間。以為樂。寵任女侍中陸令萱。侍中穆提婆等。宰制朝政。宦官鄧長顓。陳德信等。竝參預機權。官由財進。獄以賄成。戲之賞動踰巨萬。既而府藏空竭。乃賜郡縣使賣官。取直。繇是守令競為貪縱。民不聊生。周主謀伐之。使謙聘於齊。以觀釁。其參軍高遵以情告齊人。齊人留謙等不遣。令萱宮婢也。其子提婆沒為宮奴。

夏四月。陳焚文錦於雲龍門。丙申年。隆化元年。冬十二月。周主復伐齊。齊主大敗走晉陽。遂奔鄴。

丁酉九年。齊幼主恒承。春正月朔。齊主緯傳位於太子恒。周師圍鄴。緯出走。周主入鄴。齊丞相高阿那肱引周師追緯及恒。獲之。遂滅齊。封緯為溫公。尋殺之。

戊戌 十年。周宣帝。夏六月。周主邕殂。太子贇立。

己亥 十一年。周靜帝。春二月。周主贇傳位於太子闡。自稱

天元皇帝。

庚子 十二年。夏五月。周主贇殂。隋公楊堅自為大丞相。假黃

鉞。居東宮。

堅父忠。從周太祖起義。關西。賜姓普六茹氏。位至柱國大司空。隋國公。堅襲爵。周主贇即位。以右父徵拜上柱國。大司馬。贇殂。闡幼冲。堅入總朝政。拜大丞相。

冬十二月。周丞相堅自為相國。進爵隋王。加九錫。

辛丑 十三年。隋高祖文帝楊堅。稱皇帝。周

遜居別宮。廢為介公。尋弒之。

秋九月。隋鑄五銖錢。

初。周齊所鑄錢。凡四等。及民間私錢。名品甚衆。輕重不

壬寅 十四年。春正月。陳主頊殂。太子叔寶立。

後主 諱叔寶。宣帝長子。在位七年。

癸卯 至德元年。

甲辰 二年。秋九月。隋詔公私文翰。並宜實錄。

治書侍御史李諤上書曰。魏之三祖。崇尚文辭。江左齊梁。其弊彌甚。競一韻之奇。爭一字之巧。連篇累牘。不出月露之形。積案盈箱。惟是風雲之狀。故其文日繁。其政日亂。良由棄大聖之軌模。構無用以爲用也。詔以其奏。頒示四方。三祖謂曹魏父子孫武帝文帝明帝。

冬十一月。陳起臨春。結綺。望仙閣。

陳主起三閣皆以沉檀為之珠簾寶帳服玩瑰麗陳主自居臨春張貴妃居結綺龔孔二貴嬪居望仙以宮人袁大捨等為女學士日與尚書孔範散騎王瑤等十餘人侍宴後庭謂之狎客使諸妃嬪及女學士與狎客共賦詩米其尤豔麗者被以新聲其曲有玉樹後庭花臨春樂等大略皆美諸妃嬪之容色○張貴妃名麗華

乙巳年夏五月隋初置義倉

度支尚書長孫平奏令民間每秋家出粟麥一石以下貧富為差儲之當社以備凶年名曰義倉隋主從之

梁主歸殂太子琮立

秋八月陳主殺其中書通事舍人傅綽

綽上書曰夫人君者恭事上帝子愛下民省嗜欲遠諂佞是以澤被區宇慶流子孫陛下頃來酒色過度小人在側宦豎弄權惡忠直若仇讐視生民如草芥恐東南王氣自斯而盡矣後主大怒頃之意稍解遣使謂曰我欲赦卿卿能改過不對曰臣心如面臣面可改則臣心可改後主益怒遂賜死

丙午四年○梁後主琮廣運元年

丁未是歲梁亡○秋九月隋滅梁廢其主蕭琮為莒公

戊申二年春三月隋下詔伐陳

初隋主命大著作戰船人請密之隋主曰吾將顯行天誅何密之有使投其柝於江曰若彼懼而能改吾復何求至是下詔伐陳○柝音孽伐木餘也

冬十月隋以晉王廣為淮南行省尚書令行軍元帥帥師伐陳滅之獲其主叔寶

隋軍臨江陳主從容謂侍臣曰王氣在此齊兵三來周師再來無不摧敗彼何為者邪孔範曰長江天塹限隔南北今日虜軍豈能飛渡邪陳主以為然故不為深備奏伎縱酒賦詩不輟隋兵入朱雀門陳主自投於井軍人以繩引之驚其太重及出乃與張貴妃孔貴嬪同東而土為隋將賀若弼韓擒虎所獲○陳主至文帝仁壽

四年卒景陽井在上元縣治東北一名胭脂井又名辱井

隋紀 君得年三十八自東晉分裂後至是始混一

高祖文皇帝諱堅在位二十四年

己酉開皇九年春正月晉王廣入建康

元帥長史高頴先入廣使人馳告之令雷張麗華頴曰昔太公蒙面以斬姐已此豈可雷斬之廣聞之變色曰昔人云無德不報我必有以報高公由是恨頴

辛亥十一年春二月以劉曠為莒州刺史

平鄉令劉曠有異政以義理曉諭訟者皆引咎而去獄中草滿庭可張羅高頴薦之故有是命

甲寅十四年秋七月關中旱饑

帝遣左右視民食得豆屑雜糠以獻帝流涕以示羣臣深自咎責為之不御酒肉者暮年

乙卯十五年冬十月以韋世康為荊州總管

世康和靜謙恕為吏部尚書十餘年時稱廉平常有止足之志謂子弟曰祿豈須多防滿則退年不待暮有疾便辭因懇乞骸骨不許使鎮荊州

丁巳十七年春三月詔諸司論屬官罪聽律外決杖

帝以所在屬官不敬禪其上事難克舉故有是詔又以盜賊繁多命盜一錢以上皆棄市有數人劫執事而謂之曰為我奏至尊自古立法未有盜一錢而死也而不以聞吾更來而屬無類矣帝聞乃停此法○劫持也而猶爾汝也

庚申二十年冬十月廢太子勇為庶人十一月立晉王廣為太子

勇率意任情服用侈靡帝戒之曰自古帝王未有好奢侈而能久長者汝當以儉約為先廣彌自矯飾謀於楊

素素贊帝廢勇勇頻請見帝申寬廣過之不得聞初帝之克陳也天下皆以為將太平監察御史房彥謙私謂所親曰主上忌刻而苛酷太子卑弱諸王擅權天下雖安方憂危亂其子玄齡亦密言於彥謙曰主上本無功德以詐取天下諸子皆驕奢不仁必自相誅夷今雖承平其亡可翹足而待高孝基名知人見玄齡嘆曰僕聞人多矣未見如此郎者異日必為偉器恨不見其大成耳見杜如晦謂曰君有應變之才必任棟梁之重俱以子孫託之

辛酉二十一年春正月改元仁壽

癸亥三年秋九月龍門王通獻策不報

通詣闕獻太平十二策帝不能用罷歸通遂教授於河汾之間累徵不起楊素勸之仕通曰通有先人之敝廬足以蔽風雨薄田足以供餐粥讀書談道足以自樂願明公正身以治天下使時和年豐通也受賜多矣大業末卒於家門人謚曰文中子
○餐通作饘厚曰饘希曰粥

甲子四年秋七月太子廣弒帝於大寶殿而自立遂殺故太

子勇流尚書柳述侍郎元巖於嶺南

帝寢疾僕射楊素與述巖皆入閣侍疾帝所寵陳夫人且出更衣為太子所迫拒之得免帝怪其神色有異問故夫人汝然曰太子無禮帝患抵牾曰畜生何足付大事乃呼述巖召故太子勇述巖出閣為敕書素聞以白太子矯詔執述巖繫獄令右庶子張衡入殿侍疾盡遣後宮出就別室俄而帝崩暈後太子封小金合遣使者賜夫人夫人以為為鳩毒懼甚發之乃同心結也夫人悲而却坐不肯致謝諸宮人共逼之乃拜使者其夜太子縊殺之明日發喪即位稱高祖之詔賜故太子勇死

冬十一月帝如洛陽時以洛陽為東

煬皇帝諱廣小字阿廢文帝第二子在位十三年

乙丑大業元年春三月命楊素營東京宮室

自長安至江都置離宮四十餘所遣黃門侍郎王弘等往江南造龍舟及雜船數萬艘又築西苑周二百里其內為海周十餘里為方丈蓬萊諸山臺觀宮殿羅絡山上宮樹秋冬凋落則剪綵為花葉綴於枝條色渝則易以新沼內亦剪綵為芰荷菱芡乘輿臨幸則去冰而布之月夜從宮女數千騎遊西苑作清夜遊曲於馬上奏之

秋八月帝如江都

帝御龍舟挽士八萬餘人皆以錦綵為袍舳艫相接旌旗蔽野所過州縣五百里內皆令獻食多者一州至百輦極水陸珍奇後宮厭飫將發之際多棄埋之舳船後持舵處艫船頭刺擢處輦同輿

丙寅二年春二月新作輿服儀衛

衮冕畫日月星辰皮弁以漆紗為之大抵務為華盛課州縣送羽毛民捕之無遺類鳥程有高樹上有鶴巢民欲取之不可乃伐其根鶴恐傷其子而自立於巢故太自拔斃毛投於地時人或稱以為瑞而自立於巢故太

秋七月始建進士科

後世進士科始此

丁卯三年秋八月帝至金河幸啓民可汗帳

帝北巡突厥可汗來迎奉觴上壽帝大悅賦詩曰呼韓頓顛至屠耆接踵來何如漢天子空土單于臺○可汗夷狄君長之號匈奴俗謂賢曰屠耆

冬十月以裴矩為黃門侍郎經略西域

西域諸胡多至張掖交市矩知帝好遠略商胡至者矩誘訪諸國山川風俗撰西域圖記三卷入朝奏之因盛言胡中多諸珍寶帝於是慨然將通西域以矩為黃門侍郎復使至張掖引致諸胡唱之以利勸令入朝自是西域諸胡往來相繼所經郡縣糜費以萬萬計卒令中國疲弊以至於亡矩倡之也

己巳五年冬十一月殺司隸大夫薛道衡

道衡以才學有盛名上高祖頌帝不悅曰此魚藻之義也拜司隸大夫會議新令久不決道衡謂人曰向使高

魚藻篇所以刺幽王而思武王也。類為帝所殺。○小雅

庚午六年春正月諸蕃來朝。陳百戲於端門以示之。

帝以諸蕃酋長畢集浴陽。陳百戲於端門街。執絲竹者萬八千人。自昏達旦。終月而罷。所費鉅萬。自是歲以為常。諸蕃請入豐都市交易。許之。先命整飾店肆。盛設帷帳。珍貨充積。胡容過酒食店。悉令邀入。醉飽不取其直。給之曰。中國豐饒。酒食例不取值。胡容皆驚嘆。其黠者頗覺之。見其繒帛纏樹。曰。中國亦有貧者。衣不蓋形。何如。以此物與之。纏樹何為。市人慚不能答。

三月以王世充領江都宮監。

世充西域胡人。姓支氏。父收。幼從母嫁王氏。因冒其姓。世充性譎詐。頗涉書傳。好兵法。習律令。帝數幸江都。世充能伺候顏色。雕飾池臺。奏獻珍物。由是有寵。幸營五十四。冬十二月穿江南河。自京口至餘杭八百餘里。欲東巡會稽也。

徵高麗王元入朝。不至。

辛未七年春二月帝自將擊高麗。夏四月至臨朔宮。徵天下

兵會涿郡。

詔討高麗。敕幽州總管元弘嗣往東萊海口造船。官吏督役。晝夜立水中。腰下生疽死者什三四。又救河南淮。南江南造戎車五萬乘。送高陽。供載衣甲幔幕。合兵士自挽之。發河南北民夫。以供軍須。江淮以南民夫及船運。黎陽及洛口諸倉米。至涿郡。舳舻千里。往還常數十萬人。死者相枕。天下騷動。明年擊高麗。大敗而還。大軍凡三十萬五千。及還。惟二十七百人。

冬十月王薄張金稱高士達竇建德等兵起。

薄鄒平民。擁眾據長白山。自稱知世郎。言事可知矣。又作無向遼東浪死歌。以相感動。避征役者多歸之。建德漳南人。少尚氣俠。胆力過人。會募人征高麗。建德以選為二百人長。乃集無賴少年。得數百人。使同縣孫安祖。

將之入高雞泊中為羣盜金稱郇人聚眾河曲蔣以高
士遠聚眾於清河自是所在羣盜蜂起攻陷城邑九年
三月齊郡丞張須
陀擊薄等破之

申壬 八年秋九月殺張衡

初帝營汾陽宮衡諫曰比年勞役繁多百姓疲弊願稍
加抑損帝意不平謂侍臣曰衡自謂由其計畫令我有
天下也乃出為掄林太守久之除名為民衡既放廢帝
每令親人覘之及還自遼東衡妾告衡怨望謗訕詔賜
自盡臨死大言曰我為人作何等事
而望久活監刑者塞耳促令殺之

癸酉 九年春三月帝復自將擊高麗命越王侗留守東都夏

六月楚公楊玄感起兵黎陽圍東都秋七月玄感引兵趣

潼關八月玄感敗死

玄感素之子驍勇便騎射好讀書海內知名之士多與
之游蒲山公李密弼之曾孫少有才略為左親侍帝謂

宇文述曰左仗下黑色小兒瞻視異常勿令宿衛述乃

諷密使稱病自免密遂屏人事專務讀書常乘黃牛讀

漢書楊素遇而異之謂玄感等曰汝等不及也由是玄

感與為深交及素卒玄感以朝政日紊潛謀作亂至是

帝命玄感於黎陽督運遂勒兵部分詐稱來護兒及引

兵向洛陽帝聞玄感反書至引蘇威入帳中謂曰此兒

聰明得無為患威曰玄感蠢疎必無所慮但恐因此震

成亂階耳乃引軍還遣宇文述屈突通等擊玄感玄感

敗死殺玄感黨三萬餘人枉死者大半玄感所善文士

王胃坐徙邊亡命捕得誅之帝善屬文不欲人出其右

薛道衡死帝曰更能作空梁落燕泥否胃死帝誦其佳

句曰庭草無人隨意綠復能作此語耶帝自負才學每

驕天下之士嘗謂侍臣曰天下皆謂朕承藉餘緒
而有四海設令朕與士大夫高選亦當為天子矣

甲戌 十年春二月徵天下兵伐高麗三月帝如涿郡秋七月
次懷遠鎮高麗遣使請降

時天下已亂所徵兵多失期不至高麗亦因弊遣
使乞降帝乃班師仍徵高麗王元入朝元竟不至

乙亥十一年春三月孔雀集朝堂百官稱賀

高德儒等奏為鸞故賀

秋八月帝巡北邊突厥始畢可汗入寇帝入鴈門始畢圍之九月乃解

詔募兵李淵子世民年十六應募隸屯衛將軍雲定興謂定興曰虜敢圍吾天子者以為無援故也今宜先後至不擊而走之定興從之始畢遂引去○始畢啓民之子

丙子十二年○楚帝林秋七月帝如江都

江都新作龍舟成送東都宇文述勸幸江都從之殺諫者任宗崔民象王愛仁

冬十月翟讓李密起兵攻滎陽張須陁擊之敗死

密之亡也因乏變姓名聚徒教授郡縣疑而捕之亡去抵雍邱王秀才家復為人所告帝令捕之遣兵圍秀才

宅值密出外獲免讓韋城人為東郡法曹坐事當斬亡命於瓦岡為羣盜同郡單雄信徐世勣皆從之聚眾至萬餘人密亦歸讓有李玄英者自東都逃來經歷諸賊

訪密云斯人當代隋家人問其故玄英言比來民間謠曰桃李子皇后繞揚州死轉花園裏莫浪語誰道許桃李子謂逃亡者李氏子也莫浪語誰道許也既與

密遇遂委身事之密說讓等先攻滎陽帝徙須陁為滎陽通守以討之密畫策用伏殺須陁河南郡縣俱喪氣

十二月鄱陽林士弘稱楚帝據江南

以李淵為太原留守

恭帝諱侑文帝孫元德太子子在位二年

丁丑十三年○恭帝義寧元年竇建德丁丑元年魏公李密元年定揚可汗劉武周天興元年梁王梁師都永隆元年秦主薛舉秦興元年春正月竇建德稱長樂王後改

通鑑卷一百一十一

五經卷一百一十一

夏秦王世民擊斬之

二月。馬邑校尉劉武周朔方郎將梁師都各據郡起兵。收

萬餘人附於突厥

翟讓李密據興洛倉。擊敗東都兵。讓推密稱魏公。略取河

南諸郡。

密移檄郡縣數煬帝十罪曰罄南山之竹書罪無窮決東海之波流惡難盡

三月。突厥立劉武周為定楊可汗。

武周襲破樓煩郡進取汾陽宮獲隋宮人以賂突厥始畢可汗始畢以馬報之兵勢益振又攻陷定襄突厥立武周為定楊可汗武周即皇帝位改元

梁師都取雕陰弘化延安等郡。自稱梁帝。

夏四月。金城校尉薛舉起兵隴西。自稱西秦霸王。

薛舉子

任果嗣後

五月。李淵起兵太原。

初淵娶於竇毅生四男建成世民玄霸元吉一女適柴紹世民聰明勇決識量過人見隋室方亂陰有安天下之志晉陽令劉文靜見而異之謂晉陽宮監裴寂曰此非常人豁達類漢高神武同魏祖年雖少命世才也文靜坐與李密連昏繫太原獄世民就省之與議大事文靜曰今主上南巡密圍逼東都羣盜殆以萬數當此之時有真主驅駕而用之取天下如反掌耳太原豪傑收集可得十萬人尊公所將之兵復且數萬以此乘虛入關號令天下不過半年帝業成矣世民笑曰君言正合我意乃乘間說淵曰主上無道大人若守小節下有寇盜上有嚴刑危亡無日不若順民心興義兵轉禍為福此天授之時也淵大驚曰汝安得為此言明日世民復說淵淵乃歎曰吾一夕思汝言亦大有理今日破家亡軀由汝化家為國亦由汝矣先是寂私以晉陽宮人侍

通鑑卷一百一十一

三編卷一百一十一

隋恭帝

十三

淵至是淵從寂飲酒酣寂曰二郎欲舉大事正為寂以官人侍公恐事覺并誅耳淵曰事已如此正須從之淵乃命世民與文靜等各募兵旬日間近萬人密遣使召建成元吉於河東紹於長安。二郎指世民。

六月李淵遣世子建成及世民擊西河郡拔之斬郡丞高德儒。

德儒。

世民數德儒曰汝指野鳥為鸞以欺人主取高官吾與義兵正為誅佞人耳遂斬之自餘不戮一人秋毫無犯遠近大悅淵喜曰以此行兵雖橫行天下可也遂定入關之計。

秋七月李淵引兵至霍邑代王侑遣郎將宋老生將軍屈突通將兵拒之。

突通將兵拒之。

淵以子元吉留守晉陽宮自帥甲士三萬至西河慰勞吏民賑贍貧乏隋遣兵拒淵會積雨淵不得進淵以書招李密密自恃兵強欲為盟主復書曰所望左提右挈戮力同心執子嬰於咸陽殪商辛於牧野淵得書笑曰。

密妄自矜大非折簡可致不如卑辭推獎以驕其志使為我塞成臯之道綴東都之兵我得專意西征俟關中平定徐觀蚌鷸之勢以收漁人之功未為晚也乃復書曰天生蒸民必有司牧當今為牧非子而誰唯弟早膺圖籙以寧兆民宗盟之長屬籍見容後封於唐斯榮足矣密得書甚喜曰唐公見推天下不足定矣兩久不止淵軍中之糧欲北還世民曰今未敢被野何憂乏糧老生輕躁一戰可擒本興大義以救蒼生當先入咸陽號令天下今遇小敵遽已班師恐從義之徒一朝解體淵不聽促令引發世民號哭諫淵乃悟追軍復還既而太原運糧亦至淵與老生戰斬之遂取霍邑。

武威司馬李軌起兵河西自稱涼王秋九月李密遣徐世勳取黎陽倉。

密襲破黎陽倉據之開倉恣民就食浹旬間得勝兵三十餘萬泰山道士徐洪客獻書於密以為大眾久聚恐米盡人散勸密乘進取之機因士馬之銳沿流東指直向江都執取獨夫號令天下密壯其言以書招洪客竟

不出莫知所之

李淵留兵圍河東。自引軍西。

時河東未下。淵留諸將圍河東。自引軍而西。濟河。遣世民徇涇北。世民所至。吏民及羣盜歸之。如流。隰城尉房玄齡謁世民於軍門。世民一見如舊識。署記室參軍。引為謀主。玄齡罄心竭力。知無不為。淵至長安。諸軍皆集。淵命各依壘壁。毋得入村落。侵暴。遂進圍城。

冬十月。蕭銑起兵巴陵。自稱梁王。

銑羅川令也。梁後巴陵校尉董景珍等謀叛。推

為主。後稱帝。唐李靖擊降之。

十一月。李淵克長安。

淵與民約法十二條。悉除隋苛禁。馬邑郡丞李靖素與淵有隙。淵收靖將斬之。靖大呼曰。公興義兵。欲平暴亂。乃以私怨殺壯士乎。世民為之固請。乃捨之。世民因召置幕府。靖少負志氣。有文武才略。其舅韓擒虎每撫之。

曰。可與言將帥之略者。獨此子耳。

李淵立代王侑為皇帝。尊帝為太上皇。

淵自為大丞相。封唐王。以建成為唐王世子。世民為秦公。

元吉為齊公。

佐賀縣士族

橫尾藏 女藏

今

藏

通鑑要卷十一

通鑑要

正編卷十一

隋恭

十五

